

Besplatan
magazin

www.superinfo.ba

Superinfo

13.4.2017. / broj 181



**KASUMOVIĆ SAM DONIO
BUDŽET GRADA ZENICE**



**"BAJKA U BAJCI" NA ZATVARANJU
"ZENIČKOG PROČLJEČA"**



**BIH PORAŽENA OD
HOLANDIJE**



**ALERGIJA NA POLEN,
AMBROZIJU I MJERE ZAŠTITE**

PROMOVISANI DOKTORI NAUKA



Univerzitet u Zenici promovisao je devet doktora nauka, koji su doktorske disertacije odbranili u toku prošle akademske godine. Zvanje doktora tehničkih nauka stekli su Omer Beganović i Šaban Žuna (Fakultet za metalurgiju i materijale) te Alma Žiga i Sejfo Papić (Mašinski fakultet), zvanje doktora humanističkih nauka Biljana Vrbčić-Maćak, zvanje doktora književnohistorijskih nauka Ibnel Ramić (Filozofski fakultet), zvanje doktora ekonomskih nauka Nerma Čolaković-Prguda i Amer Klopčić (Ekonomski fakultet) i zvanje doktora pravnih nauka Irena Hadžiabdić (Pravni fakultet).



SKUPŠTINA ZDK

Na posljednjoj sjednici kantonalne Skupštine prije izglasavanja dnevnog reda poslanici su raspravljali o prijedlogu Vlade ZDK za donošenje po skraćenom postupku Zakona o uvjetima koje treba ispunjavati Kantonalna bolnica, kao o prethodnom pitanju na sjednici Skupštine, nakon čega su prihvatili da Prijedlog navedenog Zakona bude razmatran i donesen po skraćenom postupku. Na svom 39. zasjedanju Skupština je prihvatila Nacrt Zakona o naučnoistraživačkoj djelatnosti. Nacrt Zakona se upućuje u javnu raspravu u Grad Zenicu i sve općine Zeničko-dobojskog kantona sa rokom za provođenje javne rasprave od 30 dana. Skupština je na ovoj sjednici donijela i Zakon o uvjetima koje treba ispunjavati Kantonalna bolnica. U daljem radu Skupština je donijela Plan komunikacija Skupštine ZDK s javnošću. Na sjednici je donesena i Odluka o donošenju

Kantonalnog ekološkog akcionog plana (KEAP), a potom i dodatni zaključak kojim je Skupština zadužila Ministarstvo za prostorno uređenje, promet i komunikacije i zaštitu okoline da sačini operativni plan implementacije Kantonalnog ekološkog akcionog plana ZDK za period 2017.-2025. godina i da predloži način monitoringa njegove realizacije. Bez značajnije diskusije Skupština je u nastavku donijela još tri odluke: Odluku o izmjeni Odluke o obrazovanju Kolegija Skupštine, Odluku o izmjenama Odluke o izboru stalnih radnih tijela 7. saziva Skupštine Zeničko-dobojskog kantona i Odluku o razrješenju člana Nezavisnog odbora za izbor i reviziju, predstavnika Ministarstva unutrašnjih poslova. U konačnici rada Skupština ZDK je prihvatila Izvještaj o ostvarivanju Programa rada Skupštine za 2016. godinu, za period VII-XII 2016. godine.

NOVI NAČINI UČENJA U OBLASTI SESTRINSTVA

Studijski program Zdravstvene njege Medicinskog fakulteta Univerziteta u Zenici bio je domaćin završnoj diseminacionoj konferenciji u sklopu Tempus projekta CCNURCA Competency based Curriculum Reform in Nursing and Caring in Western Balkan Universities. Konferenciju je otvorio Dževad Zečić, rektor UNZE, ističući značaj tempus projekta CCNURCA za razvoj studijskog programa zdravstvene njege UNZE. Skupu se obratio i Harun Hodžić, dekan Medicinskog fakulteta UNZE, naglašavajući potrebu kontinuiranog rada i suradnje partnera projektnog konzorcija i u budućnosti. U sklopu tempus projekta CCNURCA koji je implementiran u protekle tri i po godine na zapadnom Balkanu, učestvovali su partneri iz Bosne i Hercegovine (Univerzitet u

Zenici, Univerzitet u Istočnom Sarajevu i Sveučilište u Mostaru), Albanije (Univerzitet u Skadru, Korci i Gjirokastru), Crnoj Gori (Univerzitet u Podgorici) kao i nadležna ministarstva iz ZDK-a, HNK-a i RS-a. Partneri iz Evropske unije su univerzitet u Prešovu, Slovačka, Hanze Hoeghschool Groningen Holandija i koordinator projekta Odisse University College iz Bruxellesa – Belgija. - Tokom projekta, glavni cilj aktivnosti bila je reforma edukacije medicinskih sestara/tehničara u skladu sa direktivom EU o reguliranim profesijama koja jasno propisuje načine, oblasti, broj sati i metodologije učenja u oblasti reguliranih

profesija, među kojima je i sestrinstvo. Na partnerskim univerzitetima obavljene su reforme kurikuluma u skladu sa direktivama EU, kao i uvođenje novih metodologija učenja za koje su se treneri educirali tokom aktivnosti projekta. To su bili treninzi održani u Prešovu, Bruxellesu, Groningenu, Skadru, Foči, Mostaru i Zenici, sa više od 500 učesnika, kazao je viši asistent Mirza Oruč, koordinator aktivnosti projekta na zapadnom Balkanu.



USVOJEN PROGRAM ZA ZDRAVSTVENU ZAŠTITU ŽIVOTINJA



Vlada Zeničko-dobojskog kantona, na prijedlog Ministarstva za poljoprivredu, šumarstvo i vodoprivredu, usvojila je izvještaj o realizaciji Programa utroška sredstva budžeta za rekonstrukciju, osposobljavanje i nabavku nedostajuće opreme veterinarskog laboratorija JU „Institut za zdravlje i sigurnost hrane“ Zenica u iznosu od 160.000 KM. Kantonalna Vlada usvojila je i izvještaj o realizaciji Programa utroška sredstava budžeta za projekte iz oblasti veterinarstva za 2016. godinu. Sredstva su utrošena za projekte iz peradarstva i mljekarstva u ukupnom iznosu od 110.000 KM. Takođe, Vlada je usvojila i izvještaj o realizaciji utroška Programa utroška sredstva za zdravstvenu zaštitu životinja za 2016. godinu u ukupnom iznosu od 32.100 KM. Na istoj sjednici, Vlada ZDK usvojila je Program utroška sredstva budžeta za zdravstvenu zaštitu životinja u 2017. godini u ukupnom

iznosu od 44.000 KM. Sredstva će se utrošiti za preventivno cijepljenje domaćih životinja, za naknadu štete za ubijene životinje, za pomoć u rješavanju pasa lotalica, za nadoknadu dijela štete vlasnicima životinja za naglo uginuće, te za vakcinaciju svinja protiv svinjske kuge. Usvojen je i Program utroška sredstva od koncesija za 2017. godinu u ukupnom iznosu od 120.000 KM, a sredstva će se utrošiti za izradu Studije o ekonomskoj opravdanosti dodjele sa idejnim rješenjem MHE Grabovica na gradskom vodovodnom sistemu Olova, za izradu Studije o ekonomskoj opravdanosti sa idejnim rješenjem hidroenergetskog iskorištenja slivnog područja rijeke Očevlje za potencijalnu gradnju malih hidroelektrana, općina Vareš, kao i za finansiranje ili sufinansiranje projekata prema aplikacijama općina, uz prethodno odobrenje Vlade ZDK.

ISPLAĆENA POSLEDNJA RATA BORAČKIH STIPENDIJA

Vlada ZDK je isplatila posljednju osmu ratu stipendije za 1555 korisnika stipendija, studenata - branilaca i članova njihovih porodica redovnog i samofinansirajućeg studija prvog i drugog ciklusa Bolonjskog sistema studiranja za studijsku 2015./2016. godinu u iznosu od 206.050 KM. Raspodjela sredstava po lokalnim zajednicama je sljedeća: Grad Zenica – 47.550 KM, Općina Breza – 8.500 KM, Općina Doboju Jug – 8.050 KM, Općina Kakanj – 17.500 KM, Općina Maglaj - 17.200 KM, Općina Olovo – 9.750 KM,

Općina Tešanj – 17.050 KM, Općina Usora - 5.150 KM, Općina Vareš – 9.450 KM, Općina Visoko – 22.200 KM, Općina Zavidovići - 24.950 KM i Općina Žepče – 18.700 KM. Isplatom osme rate stipendije Vlada ZDK je okončala proceduru dodjele boračkih stipendija u studijskoj 2015./2016. godini. Inače u Budžetu Kantona za 2016. godinu za ovu namjenu planiran je iznos od 1.650.000 KM i navedenim sredstvima stipendira se najviši broj odobrenih stipendija u dugogodišnjoj aktivnosti Ministarstva za boračka pitanja ZDK.

RUDNICI U ZDK

U uredu Miralema Galijaševića, premijera ZDK održan je nedavno sastanak sa predstavnicima tri rudnika s područja Kantona, RMU Breza, RMU Kakanj, RMU Zenica, na temu: Uplata doprinosa za zdravstveno osiguranje i koncesione naknade. Pored direktora sva tri rudnika, ovom sastanku je prisustvovao i Nevad Ikanović, izvršni direktor za proizvodnju EPBiH te predstavnik Poreske uprave ZDK, kao i direktorica ZZODK i ministari za zdravstvo i privredu. Na sastanku je dogovoreno da su rudnici obavezni izmirivati tekuće obaveze za doprinose za zdravstveno osiguranje svojih uposlenika te da se formira radna grupa od predstavnika EP BiH, rudnika i ministarstava koja će analizirati i predložiti način izmirenja dosadašnjih dugova rudnika po osnovu doprinosa za zdravstveno osiguranje.



POSJETA MAGLAJSKOG NATRON-HAYATA ZDK-U

Premijer Zeničko-dobojskog kantona Miralem Galijašević sa saradnicima primio je delegaciju Natron-hayat d.o.o. Maglaj na čelu sa generalnim direktorom Mehmet Eray Nasozom. Generalni direktor kompanije je upoznao kantonalnog premijera o trenutnoj situaciji i problema koji su vezani za snadbijevanje starim papirom, ugljem kao i osnovnom sirovinom, celuloznim drvetom, te o nekim sistemskim rješenjima koji su u nadležnosti Federacije BiH. Galijašević je dao punu podršku u rješavanju svih problema koji su bili predmet sastanka i uključiti će se u njihovom rješavanju.

KABINET ZA OBUKU



Bernadeta Galijašević, pomoćnica ministra za obrazovanje, nauku, kulturu i sport ZDK i Mujo Zvekić, direktor Tehničke škole u Zenici pritiskom na dugme CNC mašine na kojoj će se ubuduće obučavati učenici ove škole, označili su otvaranje Kabineta za obuku za rad na CNC strojevima. Ovim činom je krunisano desetogodišnje partnerstvo Škole i zeničke filijale švicarske firme Teximp. Franjo Šestak u ime investitora je rekao da ono što ih potiče da ulažu je budućnost mladih ljudi i ove države, jer "bez ovakvih stvari ćemo propasti". Semin Bašić, učenik četvrtog razreda Tehničke škole je poručio da je ovo stimulans za učenike, jedan vjetar u leđa za dalje školovanje te da ih osposobljava za jedan stručan i kvalitetan rad kroz život.

SPORAZUM TEŠNJA I USORE

U Općini Tešanj potpisan je sporazum za priključak MZ Žabljak na primarni kolektor B1. Sporazum su potpisali načelnici općina Tešanj i Usora, te istakli da je primarni cilj očuvanje okoliša, prije svega rijeke Usore. Priključkom MZ Žabljak na primarni kolektor bit će riješen problem oko hiljadu stanovnika koji žive na prostoru ove mjesne zajednice. - Nadam se da će radovi biti završeni u naredne dvije godine, kazao je Načelnik općine Usora Zvonimir Anđelić.



PODRŠKA U ORGANIZACIJI

Miralem Galijašević, premijer Zeničko-dobojskog kantona i Nurđehan Šahinović, kantonalni ministar za rad, socijalnu politiku i izbjeglice održali su sastanak sa predstavnicima Udruženja paraplegičara i oboljelih od dječije paralize Zenica, a u vezi sa održavanjem 14. atletskih sportskih igara Zenica koje će se održati u maju. Predstavnici Udruženja paraplegičara i oboljelih od dječije paralize Zenica, upoznali su premijera o aktivnostima

vezanim za organizaciju prvenstva, radu udruženja i problemima sa kojima se susreće populacija osoba sa invaliditetom, te izrazili zahvalnost na dosadašnjoj podršci koju su imali od njega kao premijera i kantonalne Vlade. Galijašević i Vlada daju punu podršku u radu i aktivnostima udruženja, te su obećali da će se uključiti u rješavanje problema sa kojima se susreće kategorija osoba ovog udruženja kao i udruženje.

RAZGOVOR SA PRIVREDNICIMA

Bakir Izetbegović, član Predsjedništva BiH, Denis Zvizdić, predsjedavajući Vijeća ministara BiH i Fadil Novalić, premijer Federacije BiH, su posjetili Zeničko-dobojski kanton. Nakon razgovora sa kantonalnim premijerom Miralemom Galijaševićem i članovima Vlade, sastali su se sa privrednicima iz ovog kantona. - Ovo je bio jedan interaktivni sastanak na kojem smo saslušali primjedbe privrednika, njihove sugestije koje se ponajviše odnose na ono što može uraditi federalna Vlada. - Mislim da su dobili kvalitetne odgovore od gospodina Novalića. Saradnja će se nastaviti. Posebno dobre ideje smo dobili u vezi sa toplifikacijom. Jedna ideja je da se krene u toplifikaciju koja bi otvorila veliki broj radnih mjesta u građevinskoj industriji i građevinarstvu, smanjila zagađenje, a projekat je navodno samoodrživ, kazao je Izetbegović. Federalni premijer Novalić je objasnio da je ovo peti kanton koji zajedno obilaze, a da je on zadužen za servis privrednika. - Gotovo po istoj formuli se u svim kantonima pominje pet stvari. To su Pravilnik o oporezivanju toplog obroka sa dva na jedan posto, ukidanje poreza na dobit izvozniciima i reinvestiranje, porez u Zakonu o porezu na dohodak i Zakon o doprinosima. To je izazvalo određene strahove.



Pravilnik će biti ukinut naravno samim prihvatanjem Zakona o doprinosima koji smo prije neki dan usvojili u Mostaru i uputili u parlamentarnu proceduru. Što se tiče Zakona o finansijskom poslovanju, tu postoji problem osiguranja plaćanja putem avalirane mjenice i banke, što je složeno i mi smo rekli da ćemo to ispraviti tako što ćemo uvesti duplo trasiranu mjenicu. Dakle, onu koju emituje sama kompanija, a ne preko banke, rekao je Novalić. U vezi sa Zakonom o dobiti, objasnio je Novalić, s obzirom na to da se uvodi porez na dividendu, otpustit će se članovi 36. i 37. o porezu na dobit, tako što će dopustiti da se reinvestira neograničeno i samim tim neograničeno oslobađa od poreza na dobit. Kad je riječ o Zakonu o doprinosima i Zakonu o dohotku, kao ključnim zakonima Reformske agende, malo su "otklonili krive informacije koje ljudi imaju".

*Svim građanima
katoličke / pravoslavne vjeroispovijesti
želimo sretan Uskrs / Vaskrs!*



GRAD ZENICA
FUAD KASUMOVIĆ
GRADONAČELNIK

*Svim građanima
katoličke / pravoslavne
vjeroispovijesti želimo
sretan Uskrs / Vaskrs!*

**Općina
Vitez**



OPĆINSKI NAČELNIK
Tomislav Bošnjak Matić
PREDSJEDNIK OV-a
Hidajet Sivro

DEPRESIJA



U Travniku i drugim općinama Srednjobosanskog kantona obilježen je 7. april - Svjetski dan zdravlja koji je ove godine posvećen depresiji. Kako je u uvodu javne tribine posvećene ovom problemu pojasnio direktor Zavoda za javno zdravstvo SBK, doc.dr. Sead Karakaš, „postoji 300 miliona raloga zašto je Dan zdravlja u svijetu ove godine posvećen problemu depresije“.

- U ovom trenutku 300 miliona ljudi živi sa depresijom u svijetu. To je fascinantna brojka. Ako govorimo o tome, možemo reći da ne postoji niti jedna zarazna bolest u svijetu koja nosi taj teret, pojasnio je doc.dr. Karakaš. Da je u BiH na djelu kolektivna traumatska priča, upozorio je specijalist neuropsihijatrije u Centru za mentalno zdravlje Travnik dr. Nermin Selman, dodajući da to stanje treba najozbiljnije shvatiti. Zavod za javno zdravstvo SBK i Centar za mentalno zdravlje Travnik su na centralnom gradskom trgu u Travniku postavili štand na kojem su građane upoznali sa ovim problemom. Na štandu je bilo organizovano mjerenje, visine, težine i krvnog pritiska, a mogli su se po simboličnim cijenama kupiti radovi korisnika uluga Centra za mentalno zdravlje Travnik.



USVOJEN BUDŽET

Općinsko vijeće Travnik na posljednjoj sjednici usvojilo je budžet za ovu godinu iznosu od 18 miliona KM. Pojašnjavajući budžet za ovu godinu Dario Pranjčić, pomoćnik načelnika za finansijsko-ekonomске poslove je naglasio kako je za infrastrukturne projekte planirano da se u ovoj godini utroši 2,2 miliona KM. Na sjednici je usvojena i Odluka o utvrđivanju nevladinih organizacija od posebnog interesa za Općinu Travnik za 2017.

godinu, kao i Odluke o visini sredstava za finansiranje projekata nevladinih organizacija po LOD metodologiji u budžetu Općine Travnik za ovu godinu. Usvajanjem Odluke o Planu kapitalnih investicija Općine Travnik za period 2017. – 2019. godina, planirana su sredstva u iznosu od milion maraka. Najznačajnija sredstva bit će utrošena na gradnju putne komunikacije Mehurići – Vlašić u iznosu od 160 hiljada KM.

INICIJATIVA DA TRAVNIK KONAČNO DOBIJE STATUS GRADA

Vijećnik u OV Travnik Siniša Dukić (SDP) podnio je Inicijativu za donošenju Odluke o pokretanju procedura za dobivanje statusa grada. -Svjedoci smo da svake godine Parlament Federacije BiH ili tačnije Predstavnički dom proglasi i promijeni statute više opština u Federaciji BiH. Prije par mjeseci, Cazin, Gorazde i Livno su dobili status grada, a neću biti u krivu ako kažem da je u usporedbi sa nekim proglašenim gradovima Travnik odavno trebao dobiti status grada. Nemojte zaboraviti da je apliciranje ka evropskim razvojnim fondovima uslovljeno time da aplikant mora imati status grada. Ovim putem apeliram na OV da podrži ovu inicijativu i stvori



predpostavke za pokretanje Odluke koja će rezultirati time da Travnik postane grad i u pravnoformalnom statusu, kazao je vijećnik Dukić pojašnjavajući svoju inicijativu.



VOLONTIRANJE U SKUPŠTINI SBK

Na posljednjoj sjednici Skupštine SBK/ KSB zastupnica Suzana Krišto (HDZ BiH) je podnijela inicijativa za uvođenje volontiranja u Skupštini SBK/KSB, zbog toga što su mnogi mladi ljudi zainteresirani za upoznavanje s radom zakonodavne vlasti. - Mi, predstavnici

zakonodavne vlasti trebamo biti otvoreni u svom radu i omogućiti mladim ljudima da se bolje upoznaju s radom i Programom Sabora KSB, te raditi na podizanju povjerenja građana u rad demokratskih institucija, kazala je zastupnica Krišto.

POVODOM SVJETKOG DANA ROMA PRIJEM ZA JUDO KLUB "ZENICA"



Povodom Svjetskog Dana Roma gradonačelnik Fuad Kasumović primio je članove Judo kluba "Zenica". Prijemu su prisustvovali predsjedavajuća Gradskog vijeća Sanja Renić i predstavnik nacionalnih manjina u Gradskom vijeću Zenica Asim Musić. Gradonačelnik je svim Romima čestitao Svjetski dan Roma, a članovima Judo kluba "Zenica" Zejfi, Ermini, Ramizu junioru i Ramizu Burdalić, koji ostvaruju evropske rezultate iako treniraju u svom stanu, poželio dobrodošlicu u Gradsku upravu. Ovom prilikom Burdalići su se požalili na uslove u kojima treniraju i spremaju se za velika takmičenja. Gradonačelnik im je obećao riješiti problem prostora za trenažni proces i uručio im jednokratnu novčanu pomoć od 1000,00 KM. - Učinit ćemo sve što je u našoj nadležnosti da vam pomognemo u ostvarivanju vrhunskih sportskih rezultata, rekao je gradonačelnik. Predsjedavajuća Gradskog vijeća Sanja Renić ta-



kođer je čestitala Dan Roma i Burdalićima poželjela uspješan nastavak takmičarske sezone te poručila da ovako dobre rezultate postižu i na planu obrazovanja. Asim Musić se zahvalio Gradskoj upravi Zenica na čelu sa gradonačelnikom i predsjedavajućoj Gradskog vijeća na inicijativi da se organizuje prijem povodom Svjetskog dana Roma. Podsjetio je da se 8. april obilježava kao Svjetski dan Roma u znak sjećanja na 1971. godinu kada je u Londonu održan Prvi kongres Roma i on se smatra kao prvi istinski međunarodni sastanak Roma. Tada je usvojena romska zastava i službena himna, proglašen romski jezik kao službeni jezik. Prihvaćen je naziv "Rom" što na romskom jeziku znači čovjek. Romi su najbrojnija nacionalna manjina u Bosni i Hercegovini. Fuad Kasumović je pokrenuo inicijativu da se u okviru Gradske uprave formira i počne sa radom Kancelarija nacionalnih manjina što se zagovara i EU dokumentima.

PRIREDBA U PODRUČNOJ ŠKOLI U VRANDUKU



Prije nekoliko dana u Osnovnoj školi "Čamil Sijarić" - područna škola Vranduk održan je kulturno – umjetnički program koji je bio dio Dječijeg programa koji Forum građana Zenice već 11. godinu zaredom, uz podršku Grada Zenice, organiziraju u okviru zeničke tradicionalne manifestacije Čimburijada. Za ovu priliku učenici ove škole su pripremili i izveli horske pjesme i recitacije posvećene proljeću. Forum građana Zenice kao organizator je podijelio čimbur i osvježenje svim učenicima. U manifestaciji je učestvovala i maskota Zekopak, koji je bio posebna atrakcija za djecu. Namjera Foruma građana je da se stari zenički običaj obilježavanja dolaska proljeća na jedan prihvatljiv način približi našim najmlađim sugrađanima i da ga sačuvamo od zaborava. Istovremeno nudeći nove sadržaje popularišemo među učenicima principe iskonske veze sa prirodom i simbolikom proljeća i jajeta kao sinonimom rađanja i novog početka.

NAJVEĆI REGIONALNI IZVIĐAČKI SKUP

Najveći regionalni izviđački skup održan je prošlog vikenda u Zenici, sa 700 izviđača iz četiri države: Hrvatske, Srbije, Crne Gore i BiH, podijeljenih u 72 ekipe iz 26 izviđačkih organizacija. Učesnici dva takmičenja, čiji su domaćini zenički izviđači stigli su iz Sarajeva, Banja Luke, Prijedora, Brčkog, Mostara, Tuzle, Banovića, Konjica, Jablanice, Vareša, Tešnja, Nemile, Hrasnice, Visokog, Ilidže, Rakovice – Sarajevo, Doboj Istoka, Topčić Polja, Osijeka (Hrvatska), Niša (Srbija),

Novog Pazara (Srbija), Starčeva (Srbija), Herceg Novog (Crna Gora) i Zenice. Na rasporedu su bili Međunarodno izviđačko ekološko takmičenje "U susret proljeću 2017" i Međunarodno zeničko orijentaciono takmičenje ZOT 2017.



POBOLJŠATI RAD ODSJEKA ZA INSPEKCIJSKE POSLOVE



Gradonačelnik Zenice Fuad Kasumović održao je radni sastanak sa inspektorima Odsjeka za inspeksijske poslove, odnosno Službe za ekologiju, komunalne i inspeksijske poslove. Tom prilikom gradonačelnik je izrazio svoje nezadovoljstvo radom ovog Odsjeka u proteklom periodu, te od svih zatražio veći angažman i bolji rad u narednom periodu. "Građani Zenice od nas očekuju više i bolje. Trebamo na terenu učiniti dodatne napore kako bi podigli nivo naših usluga. Naravno, i od građana očekujemo da poštuju propise u građevinarstvu, higijeni i drugim oblastima", rekao je gradonačelnik Kasumović. Početkom godine u funkciju je stavljena besplatno info linija. Gradonačelnik je pozvao Zeničane da na broj 08 02 03 43 prijave probleme i daju sugestije za efikasniji rad Odsjeka za inspekcije.



KASUMOVIĆ SAM DONIO BUDŽET GRADA ZENICE

Gradonačelnik Fuad Kasumović proglasio je budžet Grada Zenice za 2017. godinu koji je objavljivanjem u Službenim novinama postao operativnim. Istakao je da neće dozvoliti opstrukcije koje se dešavaju, a da je odluku donio "kao odlučan čovjek i čovjek koji zna čitati propise". - U Gradskom vijeću imamo opstrukcije da osnovni ili najvažniji dokument jednog grada ili jedne društveno-političke zajednice usvojimo. Služba za finansije je napravila budžet i mi smo ga prvo u nacrtu predložili, a Vijeće je prihvatilo taj nacrt, bez puno primjedbi. U međuvremenu je napravljena druga koalicija. Nemam ništa protiv toga da oni prave nove parlamentarne većine, ali dali su više amandmana nego što je bilo primjedbi na budžet. Ovo je prvi put u istoriji da se ovakvo nešto desilo, kazao je Kasumović. Ta, kako je nazvao, samoproglášena koalicija u kojoj su SDA, Snaga centra i A SDA "nasilnim je metodama htjela masakrirati budžet". - Taj dan kad se budžet našao

na sjednici Vijeća, posjetio sam članove Radnog predsjedništva da popričam o svakom njihovom amandmanu, da amandmane koji imaju smisla uvrstimo, međutim, ta novokomponovana većina je htjela pokazati prema meni, nezavisnom kandidatu, bahatost i silu. Jednostavno, nisu htjeli da razgovaraju. Govorim o toj navodnoj parlamentarnoj većini. Ostali su bili za. Ponovo sam ih zamolio, ali nadajući se da sam naivan ili neiskusni u poslu, u čemu su se prevarili, odbili su me ponovo. Na sjednici Vijeća ja sam kao gradonačelnik, koji je jedini ovlašten predlagatelj budžeta, imao pravo povući tačku dnevnog reda. Ako povučete prije rasprave, onda vam za to ne treba saglasnost vijećnika. Ako u toku rasprave povlačite, onda se GV može izjašnjavati i udovoljiti ili ne udovoljiti zahtjevu. Kako su oni na razne načine htjeli da siluju zakon, ja sam povukao tu tačku dnevnog reda prije njenog otvaranja, objasnio je Kasumović.

ZASAĐENO 6.000 SADNICA


Planinari, šumari, lovci i mladi ekolozi iz Zenice zajedno su radili na pošumljavanju istočnih padina Čolana gdje su zasadili 6.000 sadnica javora, jasena i divlje trešnje. Bili su to članova Plani-



nskog društva „Čolan“, uposlenici JP Šumsko-privredno društvo Zeničko-dobojskog kantona, Kantonalne uprave za šumarstvo, lovci iz sekcije „Babino“, odnosno iz Puhovca, Briznika i Arnauta te članovi Ekološke sekcije Osnovne škole u Arnautima koji su pošumlili ogoljene šumske površine na lokalitetu Lubanova bara. Ova akcija je dio planskih godišnjih aktivnosti ŠPD-a ZDK na obnovi i uzgoju šuma. Sastavni je dio šire akcije provedene na području svih devet poslovnih jedinica pod motom „Nedjelja zaštite šuma“, povodom 21. marta - Svjetskog dana zaštite šuma.



Sretan i blagoslovljen
Uskrs



želi Vam
Kristal

Poslovni centar 96
72250 Vitez BiH
T +387 30 717 733
F +387 30 713 111

info@kristal.eu
www.kristal.eu

kristal[®]
Vaš svijet stakla

DAN NARCISA U ZAVIDOVIĆIMA



I ove godine Udruženje žena oboljelih i liječenih od karcinoma dojke i drugih karcinoma, osmi put po redu obilježava Svjetski dan oboljelih od karcinoma dojke, prodajom narcisa. Udruženje žena „Budućnost –ZA“ osnovano je 31.01.2009. godine kao potreba za druženjem ali i radom i aktivizmom žena oboljelih i liječenih od karcinoma dojke. Cilj postojanja ovog udruženja je pružanje podrške ženama koje su oboljele na način da prevaziđu strah i da se osjećaju kao dio grupe žena koje su imale isto ili slično iskustvo. Brojne su edukacije koje su prezentirane unutar ovog Udruženja a od velike su pomoći ženama da upoznaju svoje tijelo i saznaju na koji način da se nose sa bolešću. Svake godine tradicionalno članice prodaju narcise a prihod koji skupe ide najugroženijim članicama kao i za preglede koji su neophodni za ovaj vid bolesti. Članice Udruženja su bile i u posjeti općinskom načelniku, Hašimu Mujanoviću koji im je čestitao na radu i zalaganju i naravno pružio podršku kupovinom narcisa. Poželio im je da i ove godine kao i prethodnih budu uspješne u svome poslu i da svojim radom i zaradom mogu obezbijediti potrebna sredstva za članice. Članice su poručile da sve zainteresovane osobe mogu posjetiti njihovo udruženje i učlaniti se i na taj način pomoći i sebi a i drugima.



SARADNJA ZAVIDOVIĆA I ALD-A

Predstavica Upravnog odbora ALD Zavidovići Maria Perino iz Torina posjetila je i razgovarala sa općinskim načelnikom, Hašimom Mujanovićem o nastavku aktivnosti između Zavidovića i Ambasade lokalne demokratije. Općinski načelnik je informisan o delegacijama iz Italije koje će posjetiti Zavidoviće u narednom periodu. U Aprilu će se održati dvadeseto izdanje tradicionalne atletske utrke „Vivicitta“, a pored toga će se održati i sportski turniri i susreti u ženskoj i muškoj odbojci i košarci između zavidovičkih i italijanskih ekipa. U narednom periodu je planirano obilježavanje 20 godina od zvanične inauguracije ureda ALD u

Zavidovića, te će se tim povodom 2. juna 2017. održati nekoliko događaja u Zavidovića. ALD Zavidovići je aplicirala prema fondovima Evropske Unije za projekte finansiranja saradnje između Općine Zavidovići i bratske Općine Roncadelle. Ovom prilikom je razgovarano o organizovanju posjete Općinskog načelnika, Hašima Mujanovića partnerskim općinama i bosanskohercegovačkim udruženjima u Italiji prije svega na području mjesta Alba, Brescia, Cremona, Vicenza i Torino s ciljem animiranja ovih teritorija i bh. dijaspore za veći angažman na području Zavidovića.

SASTANAK SA PREDSTAVNICIMA MZ



Općinski načelnik Tešnja Suad Huskić sa saradnicima organizovao je radni sastanak sa predsjednicima savjeta i sekretarima mjesnih zajednica kako bi razgovarali o usvojenoj Listi kapitalnih projekata za 2017 godinu. Na sastanku su prisustvovala 44 predstavnika 24 mjesne zajednice, dok su predstavnici jedne mjesne zajednice bili spriječeni da prisustvuju, a svoj izostanak su na vrijeme pravdali. Razgovaralo se o kandidovanim projektima sa aspekta spremnosti

projektne dokumentacije, pribavljenih dozvola za gradnju, građevinskih odbora, očekivanju predsjednika savjeta kada je u pitanju učešće građana u sufinansiranju projekata. Ovom prilikom, predstavnicima mjesnih zajednica su predstavljeni nosioci aktivnosti u ime općinske administracije za svaki projekat. Općinski načelnik se zahvalio svima na dolasku, izdvojenom vremenu i nesebičnom zalaganju koje ima za cilj razvoj sredina koje oni predstavljaju.



INFORMATIČKA OPREMA MJESNIM ZAJEDNICAMA

Više od 125 mjesnih zajednica u 23 partnerske jedinice lokalne samouprave će od sada moći pružiti kvalitetniju i efikasniju uslugu građanima, zahvaljujući paketu informatičke opreme u vrijednosti od oko 300.000 KM. Informatička oprema će biti dodjeljena općinama i gradovima u BiH koji aktivno učestvuju u realizaciji zajedničkog projekta „Jačanje uloge mjesnih zajednica u BiH“ Vlade Švicarske i Vlade Švedske, a provodi Razvojni program Ujedinjenih nacija (UNDP). - Nova informatička oprema će omogućiti uspješnije pružanje usluga građanima u BiH, podignuti značaj mjesnih zajednica, poboljšati komunikaciju sa građanima te time potaknuti građane na veći angažman u općinskom odlučivanju, a kako bi učestvovali u provedbi lokalnih razvojnih inicijativa. Ovo je samo jedan od koraka prema revitalizaciji mjesnih zajednica u BiH“, kazala je Majda Ganibegović, UNDP

voditeljica projekta. Ovim projektom u Općini Žepče obuhvaćene su sljedeće mjesne zajednice: Ciglana, Zenički put, Orahovica, Gornja Ozimica, Bistrica i Vinište. Ovim mjesnim zajednicama je dodjeljena informatička oprema u vrijednosti 16.065,91 KM, svaka od MZ je zaprimila tablet, računalo, multifunkcijski printer, projektor i projektorsko platno. Ova aktivnost se realizuje u okviru projekta „Jačanje uloge mjesnih zajednica u BiH“ koji je zajednički projekat Vlade Švicarske i Vlade Švedske u vrijednosti od 14,5 miliona KM. Za njegovu sprovedbu zadužen je Razvojni program Ujedinjenih nacija (UNDP) u BiH u partnerstvu sa Ministarstvom za ljudska prava i izbjeglice BiH, Ministarstvom uprave i lokalne samouprave Republike Srpske, Ministarstvom pravde Federacije BiH, Vladom Brčko Distrikta i oba entitetska saveza opština/općina i gradova.

OČUVANJE RIBLJEG FONDA

Rukovodstvo zeničkog udruženja sportskih ribolovaca „Bostro“ posljednjih dana je pokrenulo niz aktivnosti na očuvanju ribljeg fonda. Tokom sastanka sa komandrom policijske stanice Centar dogovoreno je svakodnevno asistiranje policije ribočuvarima i tokom društvene kontrole. Od predsjednice Općinskog suda zatraženo je da sudije drastičnije i rigoroznije kažnjavaju prekršiocu zakona o slatkovodnom ribarstvu te da ubuduće uz prekršajne naloge obavezno idu i utuženja kako bi se od optuženih naplatila uzrokovana šteta i obeštetilo društvo, shodno ribarskoj osnovi, koja je validan dokument za gazdovanje i upravljanje ribljim fondom u zeničkim vodotocima. Iz Bistra su pozvali članstvo i zaljubljenike u ribolov da na vrijeme obnove ribolovnice kako bi izbjegli sukob sa zakonom, jer kazne za krivolov prelaze iznos od 300 KM.



SASTANAK NA TEMU START-UP DANA "KRENI"



U sklopu projekta „Jačanje uloge mjesnih zajednica u BiH“ koji se provodi u općini Žepče uz podršku UNDP-a, u dvorani OV u Žepču održan je sastanak na temu Start-up dan „KRENI“. Sastanku

su prisustvovali predstavnici UNDP-a, Majda Ganibegović i Dejan Danilović, članovi Partnerske Networks fondacije, predstavnici Općine Žepče i Razvojne agencije Žepče, mjesnih zajednica, gospodarstvenici, predstavnici obrazovnih institucija i nevladinih organizacija, kao i ostali građani zainteresirani za realizaciju vlastitih ideja. Start-up dan je jedna od aktivnosti u okviru projekta „Jačanje uloge mjesnih zajednica u BiH“ koji predstavlja zajednički projekt Vlade

Švicarske i Vlade Švedske u vrijednosti od 14,5 milijuna KM, a sprovodi ga Razvojni program Ujedinjenih nacija (UNDP). - Sudionici ovog projekta će, imati priliku u Zenici, predstaviti svoje društveno odgovorne ideje iz različitih oblasti kako bi pomogli svojoj zajednici, kazao je u svom obraćanju načelnik Mato Zovko, uz želju da iz Žepča bude predloženo što više ideja koje će biti odabrane. Projekt „Jačanje uloge mjesnih zajednica u BiH“ je zajednička inicijativa vlada Švicarske i Švedske, a realizira ga UNDP. U projektu na nivou BiH sudjeluje 125 mjesnih zajednica i 23 jedinice lokalne samouprave i predviđeno je da traje do sredine 2019. godine.

AKCIJA ČIŠĆENJA U BREZI



U Brezi je nedavno sprovedena akcija „Očistimo naš grad za jedan dan, 364 dana preostaće nam da se bavimo drugim aktivnostima“. Obuhvatila je igrališta, parkove, lokalitet kasnoantičke bazilike, prostore oko sportske dvorane i škola. - Odazvala se većina članova organizacija civilnog društva. Pohvalio bih predstavnike Planinarskog društva „Budoželj“, obzirom da su i invalidna lica sudjelovala. Drago mi je zbog dobrog odziva učenika osnovnih i srednjih škola. U akciji su učestvovali i mladi iz Asocijacije mladih SDA. Aktivisti iz Omladinskog centra „Desnek“ obezbijedili su neophodne rekvizite. Podršku akciji, ustupanjem kamiona u svrhu odvoza smeća, pružili su JP „Komunalno“ i Rudnik mrkog uglja „Breza“, kazao je Alen Smajić, koordinator akcije ispred općine Breza. Čišćenju grada i nastojanjima da se grad učini ugodnijim i ljepšim mjestom za život pridružili su se i zaposlenici lokalne samouprave, čisteći zelene površine u krugu općine Breza. Načelnik Munib Zaimović izrazio je zadovoljstvo povećanjem svijesti i odgovornosti građana naglasivši značaj kontinuiranog ukazivanja na važnost zaštite prirode.

SELEKTIVNO SAKUPLJANJE OTPADA

Privredno društvo "ALBA Zenica" d.o.o. Zenica pokrenulo je krajem 2016. inicijalni - pilot projekt selektivnog sakupljanja komunalnog otpada na području grada Zenica. Džafer Dautbegović, menadžer za kvalitet preduzeća "ALBA Zenica" navodi da je prva od pet faza projekta počela u decembru 2016. godine tako da je u proteklom periodu "ALBA Zenica" stavila u funkciju 14 lokacija za odvojeno sakupljanje otpada, a u 2017. je planirano ovaj broj povećati na 28 lokacija. U pitanju su dodatni kontejneri za sakupljanje PET ambalaže (sa žutim poklopcem) i sakupljanje papira i kartona (sa plavim poklopcem).

Razlika ovog projekta u odnosu na "zelene otoke", koje smo imali ranije i gdje se sakupljao samo iskoristivi dio otpada, je što se sada na jednom mjestu može odložiti i iskoristivi dio otpada (papir/karton, plastične folije i PET ambalaža) i ostatak otpada, kazao je Dautbegović. "ALBA Zenica" je vjerovatno najveći sakupljač iskoristivih materijala u BiH, koji na godišnjem nivou sakupi oko 14.000 tona starog papira i više od 1.000 tona PET-a i folije. Prema Pravilniku o ambalaži i ambalažnom otpadu razlikuje se šest vrsta ambalažnog materijala, a to su papir, plastika, staklo, kompozitni materijal, poznat kao tetrapak,

te metal i drvo. Naredne četiri faze projekta će biti realizirane u narednom periodu. Druga faza podrazumijeva širenje saradnje sa institucijama. - Mi već godinama ostvarujemo saradnju sa 14 zeničkih osnovnih škola, čiji učenici odvojeno sakupljaju otpad. Ovaj projekt realiziramo u saradnji sa Gradskom upravom Zenica, koja ga sufinansira i time omogućava da visina naknade za sakupljene iskoristive materijale bude znatno veća od tržišne cijene istih. To činimo jer nam je važno stimuliranje mladih za pravilno postupanje sa otpadom i otpadnim materijalima, kaže Dautbegović, dodajući da je tokom druge faze planirana saradnja sa zeničkim dječijim vrtićima, i to organizacijom



radionica o otpadu, gdje će se najmlađi stanovnici upoznati sa vrstama otpada i njegovim uticajima na čovjeka i prirodu. Treća faza se sastoji u uključivanju privatnih kuća (domaćinstava) u sistem odvojenog sakupljanja otpada. Tokom pilot faze, koja bi trebala trajati šest mjeseci, u sistem će biti uključene MZ Lukovo polje i MZ Raspotočje. Planirano je da se 800-1.000 domaćinstava stavi na raspolaganje jedna dodatna kanta za odvajanje primarne ambalaže. Četvrta faza podrazumijeva uspostavljanje

reciklažnog dvorišta za potrebe stanovništva. Zamišljeno je da se u Albinom reciklažnom dvorištu u Raspotočju pruži mogućnost građanstvu da predaje odvojeno sakupljene vrste komunalnog otpada koje se ne odlažu u javne kontejnere od 1.100 l ili kante od 240 l. U ovom reciklažnom dvorištu će se moći predati više od 20 raznih vrsta otpada, kao što je kabasti otpad, EE otpad, mašinska ulja, baterije, gume, odjeća i sl. Kao završna – peta faza projekta se planira izgradnja sortirnice za razdvajanje iskoristivog dijela otpada po vrstama. Prilikom odlaganja u posude za odvojeno sakupljanje otpada se omaškom dešavaju "pogrešni ubačaji", karton "zaluta" u posudu za PET i slično.



AALERGIJA NA POLEN (PELUD), AMBROZIJU I MJERE ZAŠTITE



INSTITUT ZA ZDRAVLJE
I SIGURNOST HRANE

Fra Ivana Jukića 2, 72 000 Zenica, Bosna i Hercegovina
tel: 38732 448-001, www.inz.ba

Služba za školsku higijenu


Alergija je prekomjerna reakcija odbrambenog sistema na različite faktore okoliša, inače neškodljive tvari koje udahnemo, dodirnemo kožom ili pojedemo. Alergije se najčešće javljaju u djetinjstvu, ali se mogu javiti u bilo kojoj dobi. Sklonost alergijama je nasljedna, pa je važan podatak o alergijskoj bolesti u obitelji jer primjerice kod djeteta čiji je jedan roditelj alergičar rizik pojave alergijske bolesti iznosi oko 30%.

Koji su simptomi i znakovi alergije na polen? Karakteristika alergija je njihovo periodičko pojavljivanje, vezano uz sezonu pojavljivanja određene vrste polena u zraku. Peludna hunjavica, poznata pod nazivom i sezonski alergijski rinitis je najčešći oblik alergije. To je alergijska bolest gornjih dišnih putova koja se javlja sezonski, u vrijeme kada se u zraku nalaze čestice određene peludi.

Karakteristični simptomi su:

- konjunktivitis - svrbež, pečenje i suzenje očiju
- rinitis - svrbež vrška nosa, osjećaj neprohodnost i punoće nosa, kihanje i obilni vodeni iscjedak iz nosa, te povremeno nestanak osjeta mirisa.

Ambrozija je jednogodišnja zeljasta biljka koja naraste od 1 do 1,5 metar visine. Ambrozijina pelud je jedan od najjačih poznatih alergena. Na sluznicama dišnih organa pelud kod osjetljivih osoba može prouzrokovati alergijsku reakciju. Klasični simptomi su crvenilo očiju, suzenje, začepljenje nosa, kihanje, kašalj, otežano disanje, astma, te promjene na koži i u probavi. Štetnost ambrozije u poljoprivredi je velika, jer ona zahvaljujući svom izuzetno jakom korijenskom sistemu i bujnoj vegetativnoj masi iz tla iznosi velike količine hranjivih tvari, prouzrokujući time osiromašenje tla.



Kako liječiti ili ublažiti alergiju?

- edukacija bolesnika,
- izbjegavanje alergena,
- adekvatna terapija lijekovima,
- liječenje treba početi na vrijeme i treba trajati do kraja djelovanja alergena.

Koji su savjeti za osobe alergične na pelud?

- pratiti peludnu prognozu za vrijeme visoke koncentracije peludi na koju je osoba alergična u zraku,
- izbjegavati boravak i provođenje fizičkih aktivnosti u području bujne vegetacije u vrijeme visoke koncentracije peludi u zraku,
- izbjegavati sušenje i provjetranje odjeće i posteljine vani na zraku,
- držati prozore zatvorene, koristiti klime sa unutrašnjim pročišćavanjem zraka, na taj način se uklanjaju čestice prisutne u kući,
- boraviti u zatvorenim i klimatiziranim prostorima,
- ako ipak osoba mora boraviti na otvorenome, nakon povratka kući, potrebno je oprati ruke,

istuširati se, oprati kosu, te presvući odjeću kako bi se spriječio unošenje peludi u stan,

- izbjegavati izlazak vani između 10 i 15 sati jer su u tom vremenskom razdoblju najveće koncentracije u zraku,
- ukoliko morate boraviti vani u periodu kada su koncentracije onečišćenja najveće nositi zaštitne maske,
- nekim osobama koje pate od alergija na ambroziju koriste imunoterapijske injekcije, a koje mogu umanjiti simptome kod čak 90% pacijenata (prema Američkoj fondaciji za astmu i alergije).

Služba za školsku higijenu
Institut za zdravlje i sigurnost hrane Zenica

DAN OSLOBOĐENJA OPĆINE VISOKO



U povodu 7. aprila – Dana oslobođenja Visokog od fašizma na Spomen kosturnici borcima NO-AR-a, Spomen obilježja šehidima i Trgu žrtava genocida u Srebrenici položeno je cvijeće i time započeo program obilježavanja ovog značajnog datuma. U okviru programa obilježavanja, polaznici vrtičke grupe JU za predškolski odgoj i obrazovanje Visoko, priredili su prigodan program i renovirani sadržaji Spomen - parka stavljeni su na korištenje građanima. Prijemu koji je upriličila načelnica Amra Babić i predsjedavajući Općinskog vijeća Bajro Fejzić u povodu 7. aprila prisustvovali su predstavnici SUBNOR-a Visoko i delegacije Udruženja antifašista i boraca NOR-a Visoko, Društva „Josip Broz Tito“ i Koordinacionog odbora boračkih udruženja i organizacija općine Visoko. Zajednička poruka svih prisutnih je obaveza njegovanja tekovina u borbi protiv svih oblika fašizma i podučavanje mladih generacija o bogatoj historiji općine. Nakon prijema, Općinska načelnica zajedno sa mještanima naselja Klisa ozvaničila je završetak radova na projektu „Klizište Klisa“ u mjesnoj zajednici Stari grad Visoko. Posebno mi je drago da smo ovim Projektom riješili pitanje kanalizacije i vodovoda za nekoliko kuća romskog naselja i na taj način integrisali ih u normalne uslove javnog života“.

DAN OPĆINE BREZA



Poslije polaganja cvijeća na katoličkom groblju, spomen-kosturnici borcima Narodnooslobodilačkog rata i spomen-obilježjima šehidskih mezarja, predstavnici lokalne vlasti i ostali građani, u okviru programa obilježavanja 6. aprila – Dana općine Breza, prisustvovali su svečanoj sjednici Općinskog vijeća u kinosali, tokom koje su šestoaprilska priznanja dodijeljena Mirzi Ahmedspahiću, Tigranu Kojiću, Asiji Šahić, dok je Evelina Pulo nagradu preuzela u ime sestre Anese. Članovi radnog predsjedništva, vijećnici Čamil Buljetović, Nejira Bulbulušić, Vedad Jusić i Belma Škrgić, građanima su uputili čestitke. - Obratiti se u ulozu načelnika velika je čast, ali i velika odgovornost. Mnogo veća nego čovjek može zamisliti. Posebno mi je drago vidjeti vas raspoložene. Breza ima puno problema,

za koje smo u narednom periodu dužni pronaći rješenja. U tome ćemo, nadam se, biti uspješni, poručio je načelnik Munib Zaimović. Gosti svečane sjednice bili su, između ostalih, direktor Rudnika mrkog uglja „Breza“ Camil Zaimović, ministar za boračka pitanja u Vladi Zeničko-dobojskog kantona Fahrudin Čolaković, načelnik općine Vareš Zdravko Marošević, poslanik u Predstavničkom domu državnog Parlamenta Fehim Škaljić, zastupnik u Predstavničkom domu Parlamenta FBiH Nasir Beganović, ministar za prostorno uređenje, promet, komunikacije i zaštitu okoline ZDK Fahrudin Brkić. - Zahvaljujem svim ljudima koji su pratili moj rad, predlagačima i članovima Komisije za odlikovanja. Podijelio bih priznanje sa svim svojim kolegama iz Doma zdravlja, rekao je Ahmedspahić.

DAN OSLOBOĐENJA KAKNJA

Povodom 8. aprila – Dana oslobođenja Kaknja, u Gradskom spomen-parku u Kaknju položeno je cvijeće na Spomen-obilježje palim borcima NOAR-a 1941-1945. i Spomen-obilježje šehidima i poginulim borcima Odbrambeno-oslobodilačkog rata 1992-1995. Cvijeće su položili općinski načelnik Nermin Mandra, Rešad Merdić u ime Općinskog vijeća Kakanj, predstavnici Udruženja antifašista i boraca Narodnooslobodilačkog antifašističkog rata 1941-1945. općine Kakanj, predstavnici Organizacije porodica šehida i poginulih boraca općine Kakanj, predstavnici Saveza udruženja boračkih organizacija općine Kakanj, predstavnici RMU Kakanj, predstavnici općinskih organizacija stranaka i grupa građana Kaknja. Prisutnima su se obratili Ibrahim Kubura, u ime Udruženja antifašista i boraca Narodnooslobodilačkog



antifašističkog rata 1941-1945. općine Kakanj, i načelnik Općine Kakanj Nermin Mandra. - Mi imamo zajedničku blagodat koju često zaboravljamo. To je naša slavna historija koji nije uprljana krvlju nevinih ljudi. Zato je borba za oslobođenje Kaknja i BiH u Drugom svjetskom ratu, kao i otpor agresiji iz perioda 1992-1995, naš ponos i naša motivacija da se još ustrajnije borimo sa izazovima i nedaćama koje život donosi, rekao je Mandra.

POTPREDSJEDNIK FEDERACIJE U MAGLAJU

U jednodnevnoj posjeti Maglaju boravio je potpredsjednik Federacije Bosne i Hercegovine Milan Dunović. U prostorijama Općine Maglaj sastao se sa načelnikom Mirsadom Mahmutagićem, predsjedavajućom Općinskog vijeća Svjetlanom Zamboni, dopredsjedavajućim Općinskog vijeća Hajrudinom Fermićem i članicama Općinskih komisija Brankicom Hodžić i Aidom Hadžić gdje su se dotakli važnih tema i razvoja općine Maglaj. Načelnik je Dunovića upoznao sa osnovnim podacima općine, brojem stanovnika, zaposlenosti, problemima sa kojima se susreću stanovnici Maglaja i načinima na koje želi iste riješiti. Istakao je promjene koje želi zajedničkim snagama sa Općinskim vijećem donijeti i općinu učiniti

zdravom i kvalitetnom okolinom za sve ljude koji u njoj žive. U vezi s time, dotakli su se teme odlaska mladih iz Bosne i Hercegovine i načinima Tom prilikom je načelnik Mahmutagić istakao da je veliku pažnju, između ostalog, posvetio razvoju privrede, otvaranju novih preduzeća kako bi svi dobili mogućnost da obezbjede egzistenciju u svojoj općini i tako spriječi odlazak. Dunović je poželio sreću u radu i narednom periodu, te naglasio da će pomoći i podržati općinu koliko god mu mogućnosti budu dozvoljavale. Kako bi se potpredsjednik Federacije BiH osjećao zaista dobrodošlo, načelnik mu je poklonio simboličan ključ grada Maglaja sa željom da ga put često dovede upravo na vrata naše općine. Nakon sastanka, otišli su u stari dio



Maglaja do Čabrine kafane koja je svoja vrata prvi put otvorila 1919. godine. Razgovarali su o kulturno-historijskim znamenitostima koji krase ovaj grad. Tokom boravka posjetili su i kompaniju HM Promet, jednu od najcjenjenijih firmi za krojenje i šivanje zaštitne, te modne odjeće u cijeloj Evropi. Direktor kompanije Muhamed Hrnjić nije krio zadovoljstvo zbog dolaska Dunovića. Upoznao ga je sa počecima HM Prometa, načinom rada, razvoju i planovima. Prošetali su prostorom u kojem se odvija sva proizvodnja i Hrnjić je pokazao sve ono što plasiraju na tržište.

Imenovan direktor JZU Zavoda za bolesti ovisnosti ZDK



Nakon završene konkursne procedure, a na prijedlog Upravnog odbora JZU Zavoda za bolesti ovisnosti Zeničko-dobojskog kantona, data je saglasnost o imenovanju dr. Čustovića od strane Ministarstvo zdravstva Zeničko-dobojskog kantona. Primarijus mr. sc. Amir Čustović neurolog, neuropsihijatar imenovan je 20. marta za

bolesti ovisnosti Zeničko-dobojskog kantona. Dr. Amir Čustović je do imenovanja na poziciju direktora radio u JU Kantonalnoj bolnici Zenica na Odjelu neuropsihijatrije kao šef muške urgentne psihijatrije. Oženjen je i ima dvoje djece. Vjerujemo da će svoju bogatu neuropsihijatrijsku karijeru sada obogatiti i uspješnom menadžerskom.

Svim građanima katoličke / pravoslavne vjeroispovijesti želimo sretan Uskrs / Vaskrs!

JP "PARKING SERVIS"
d.o.o. Zenica

Zacarina 23, 72000 Zenica
Tel/fax: +387 32 406 527
jpparkingservis@gmail.com

ECOS[®]

=15%

Radno vrijeme


☎ 08:00 - 19:00 sati
✉ maloprodaja@ecos.ba
☎ +387 30 717 613

📅 OD 1. DO 30. 4.



43⁸⁰

34878
Baterija usadna s 2 cijevi jednoručna
za umivaonik Ø 35 ROCCO CLARA
Stara cijena: 51,50



64⁹⁰

35836
Tuš set F748C+F1005C
Stara cijena: 76,10



52⁰⁰

34572
Baterija usadna s 2 cijevi jednoručna za
sudoper Ø 35 ROCCO CLARA
Stara cijena: 60,90



335⁰⁰

34266
Ugradni komplet IDOL (Školjka
viseća Idol, ugradni vodokotlić
UP BASIC 100 sa tipkom i držač,
daska) GEBERIT
Stara cijena: 394,30



57⁰⁰

36000
Ormarić viseći 70x64cm bijeli
FRAMINI DOMINO C (23505)
Stara cijena: 67,00



36759
Baza 75cm bijela FRAMINI
VENETO (23232)
Stara cijena: 364,00

309⁰⁰



42⁰⁰

33407
Školjka WC simplon bijela KOLO IDOL
Stara cijena: 49,80



299⁰⁰

20407
Bojler kombinirani inox 50 L
DESNI TERMORAD (105003)
Stara cijena: 351,00



149⁵⁰

20197
Bojler električni 80 L 2000W TESHY BASE LINE
(GCV 804420 B11 TSR) sa regulacijom
Stara cijena: 177,00



223⁰⁰

SVE ZA KUPAONICU

36020
Ormarić viseći 49,3 x 85 x 17,6 cm sa ogledalom bijeli sjajni KOLO NOVA PRO (88431)
Stara cijena: 216,50

184⁰⁰

33271
Bide viseći bijeli KOLO NOVA PRO pravokutni (M35103)
Stara cijena: 195,40

166⁰⁰

37094
Ormarić s umivaonikom 60 cm bijeli sjajni KOLO NOVA PRO (M39006)
Stara cijena: 333,50

284⁰⁰

38306
Daska za WC školjku soft-close Click-ZClean KOLO NOVA PRO (M30118)
Stara cijena: 116,00

98⁰⁰

33601
Školjka WC viseća RIMFREE bijela KOLO NOVA PRO (M33123)
Stara cijena: 192,00

163⁰⁰

18⁹⁰

37181
Sjedalica za WC školjku dječja soft (921198100)
Stara cijena: 22,50

29⁰⁰

38256
Daska za WC školjku soft-close Fix Clip WENKO Koprzelena (22080100)
Stara cijena: 34,00

234⁰⁰

34282
Ugradni komplet IDEAL STANDARD (školjka, vodokotlić 3/6 lit, aktivirna tipka chrome, SOFT CLOSE daska, zidni držači) (V390601+W3032ZZ+W3710AA)
Stara cijena: 275,00

456⁰⁰

31432
Kabina tuš s kadom 120 x 90 x 1960 cm ROCCO
Stara cijena: 537,00



NA PRAKSI U OPĆINI VISOKO

Nastojeći slijediti savremeni razvoj javnog sektora i učestvovati u osposobljavanju novih kadrova u organima uprave, Općina Visoko od prošle godine ostvarila je saradnju sa Fakultetom uprave u Sarajevu. Ovom saradnjom omogućeno je obavljanje prakse za studente završne godine prvog ciklusa sa područja općine Visoko. U okviru studentske prakse, četiri studenta sa Fakulteta uprave, proveli su pet radnih dana u Općini Visoko i stekli praktično radno iskustvo. Studenti koji su obavljali praksu u Općini Visoko bili su: Belmin Softić, Han-ka Omanović, Emına Trako i Amila Spahić.

OLOVO

U Uredu Miralema Galijaševića, premijera ZDK održan sastanak na temu: Izmjene Prostornog plana FBiH. Sastanku su prisustvovali Federalni ministar prostornog uređenja, Josip Martić sa saradnicima i načelnik Općine Olovo, Đemal Memagić sa saradnicima te Gordan Čahtarević, savjetnik premijera Vlade FBiH kao i kantonalni ministri Brkić i Jelić. Načelnik Općine Olovo Memagić je zamolio sve prisutne da se uključe u rješavanje problema vezanih za Prostorni plan FBiH kako bi Općina Olovo imala mogućnost da razvija projekte vezane za hidropotencijale i razvoj turizma. Naime, interes ulagača i potencijalnih koncesionara je veliki te je i interes Općine Olovo nagalašen za realizaciju tih projekata, čim bi se omogućio dalji razvoj općine i otvaranje novih radnih mjesta.

PRIJEM ZA PREDSTAVNIKE DPTK KAKANJ



Društvo pedagoga tjelesne kulture Kakanj je udruženje građana koje vrijedno radi veoma human posao koji se ogleda u organizaciji sportskih takmičenja između učenika osnovnih i srednjih škola sa područja Kakanja čime se u našoj lokalnoj zajednici budi jedna nova pozitivna energija, širi prijateljstvo, gradi međusobni respekt kroz sportsko rivalstvo među školama, ali i stvaraju odlične pretpostavke za novi zamah u razvoju kakanjskog sporta. Ova hvale vrijedna aktivnost Društva bila je tema razgovora na prijemu kojeg je načelnik Nermin Mandra nedavno je u svom uredu upriličio za predstavnike Društva

Irfana Hasagića, Mersiju Suljić i Amela Kozlu. Gosti su načelniku predstavili svoje aktivnosti i planove, a posebno su pohvalili plan Općine Kakanj da se prošire kapaciteti Sportske dvorane Kakanj. Na prijemu je zaključeno da međuškolskim sportskim takmičenjima treba ukazati poseban značaj na način da se pažnja kakanjske javnosti usmjeri na ove aktivnosti, te da se kroz podršku Općine Kakanj ova takmičenja još više organizacijski osnaže i da se osigura prijevoz za učenike koji nastupaju na takmičenjima, posebno na finalnim smotrama, i učenike koji žele bodriti svoj tim.

AC FOOD KUPIO DIO IMOVINE AGROKOMERCA

AC Food članica AS GROUP izvršila je uplatu ponuđenog iznosa od 3,053 miliona KM za kupovinu dijela imovine firme Agrokomerc d.d. Velika Kladuša. U okviru javno nadmetanja nepokretnosti, a koje je obavljeno 28. februara ove godine u Općinskom sudu Velika Kladuša, AC Food je dao ponudu koju je Sud ocijenio kao najveću. Radi se o pogonima za proizvodnju stočne hrane, preradu voća i povrća, kao i skladištima. Podsjećamo, AC Food bila je jedan od dva ponuđača koji su se pojavili na javnom nadmetanju, a imovina je kupljena temeljem javnog poziva za javno nadmetanje. Kompanija AC Food nova je članica Grupacije, koja će poslovati u okviru prehrambene divizije AS GROUP Jelah. AS GROUP zapošljava 4.000 radnika, u okviru ovog

poslovnog sistema posluju neki od najvećih proizvođača hrane kao što su Klas, Vispak, Sprind, AS, Kent, Oaza, MiP Ljubače, itd. Osim prehrambene divizije, Grupacija posluje i u tekstilnoj, te u trgovačkoj diviziji. Ukupni promet AS GROUP u 2016. bio je oko 300 miliona KM. Upravo ovi pogoni Agrokomerca koji su kupljeni, odlično se uklapaju u razvoj proizvodnog portfolia prehrambene divizije AS GROUP. Uz pojačane tržišne pozicije u sferi proizvodnje stočne hrane koje AS GROUP ima sa postrojenjima u okviru Klasovog mlina u Olovu, te mlina u Ljubačama kod Tuzle, pokretanje pogona za preradu povrća i voća značit će prije svega dodatni vjetar u leđa programu Bosanske kuhinje.

OTVORENA NOVA NAPLATNA MJESTA



U skladu sa Zaključkom o uspostavi zajedničkih naplatnih mjesta za plaćanje komunalnih usluga, a na inicijativu gradonačelnika Fuada Kasumovića, građani Zenice će od 10. aprila 2017. godine, na četiri mjesta u gradu moći bez provizije plaćati račune za komunalne usluge JP Grijanje, JP Vodovod i kanalizacija, JP Parking servis i ALBA

ZENICA d.o.o. Javna preduzeća i ALBA su se sporazumjeli da formiraju zajednička naplatna mjesta u javnom interesu na adresama: Prve zeničke brigade broj 3, Begagića put broj 8 (JP "Vodovod i kanalizacija"), Branilaca Bosne broj 2 (JP "Grijanje") i Fra Ivana Jukića br. 1 (ALBA ZENICA d.o.o.) Ovim povodom danas je održana prigodna svečanost

na adresi Prve zeničke brigade broj 3. Javnosti su se obratili Gradonačelnik i predstavnici javnih preduzeća i ALBE. "Na ovaj način građani će na godišnjem nivou uštedjeti minimalno 60.000,00 KM. Cilj nam je da građanima približimo gradsku upravu i javna preduzeća, te usluge koje pružamo učinimo što jeftinijim, a život u našem gradu ugodnijim" - izjavio je Gradonačelnik. Na zajedničkim naplatnim mjestima građani mogu plaćati samo originalne mjesečne račune za iskorištene komunalne usluge. Ostala dugovanja prema komunalnim preduzećima i ALBA ZENICA će se plaćati u matičnim blagajnama preduzeća. Također građanima je omogućeno plaćanje komunalnih računa i putem interneta, ukoliko im to mogućnosti dozvoljavaju. Da bi to učinili moraju izvršiti on-line registraciju (putem portala www.elgato.ba) koja je besplatna. Tako će uštedjeti na vremenu, a omogućit će im se primanje računa elektronskim putem te evidencija o izvršenim uplatama. Građani koji nemaju pristup internetu, registraciju će moći izvršiti na zajedničkim naplatnim mjestima.



Pozovite nas!
Tel: 032 241 777

EUROPEAN quality
MATTRESSES
Made in Bosnia & Herzegovina



Madraci • Nadmadraci
Jastuci • Posteljine
Latofleksi • Kreveti

Lakše je **12** **3** **6**
na rate **rata** **rate** **rata**

Prodaja putem **platne liste**
za uposlene
preko **PIO fonda**
ZA PENZIONERE



mojsan
SHOP
Zenica

Shopping centar
DŽANANOVIĆ Zenica
www.mojsan.ba
shopzenica@mojsan.ba

Radno vrijeme
PON-SUB 10-20h
NED: 11-17h



PREDSTAVE BNP ZENICA U VINKOVcima

Bosansko narodno pozorište Zenica sa svoje dvije predstave gostovalo je nedavno u Gradskom kazalištu „Joza Ivakić“ u Vinkovcima. Odigrali su predstavu „Nakaze“ prema tekstu Lutza Hübnera, u režiji Emina Hajrića i predstavu za djecu „Pingvin“ prema tekstu Lane Šarić, u režiji Mirosljuba Mijatovića, a u okviru 22. vukovarskog lutkarskog proljeća. Predstava „Nakaze“ u fokus stavlja mlade ljude koji pokušavaju pronaći sebe i kojima se svakodnevno postavlja pitanje da li ih mediji iskorištavaju ili oni iskorištavaju medije. U predstavi igraju glumci iz ansambla Bosanskog narodnog pozorišta Zenica Lana Džehverović-Zablocki, Siniša Vidović, Snežana Vidović i Selma Mehanović. Kostimografiju za predstavu potpisuje Nađa Sinić, scenografiju Mensur Begičević, dok je dizajn zvuka povjeren Igoru Kasapoviću. „Pingvin“ je predstava o usamljenom dječaku-pingvinu koji živi na vrhu ledenog brijega, u hladnom dvorcu i druži se sa nekoliko svojih Ja, što znači da je jedini stanovnik dvorca. Tu je i njegov nacrtani pas, te veliki portret djeda. Glumačku ekipu predstave čine Zlatan Školjić, Anđela Ilić, Lana Zablocki Ermina Nišić-Kurevija, te polaznik Dramskog studija, Tahir Kavaz. Za likovno oblikovanje predstave zadužena je bila Ena Begičević, a scenski pokret Emina Stojšić.

SELEKCIJA XVI FESTIVALA BH DRAME ZENICA



Nakon višemjesečnog zahtjevnog procesa selektiranja predstava za jedini bosanskohercegovački festival nacionalne dramaturgije i autorskog teatra, u Bosanskom narodnom pozorištu održana je konferencija za medije na kojoj je selektor XVI festivala bosanskohercegovačke drame Zenica – Sarajevo 2017. Nedžad Fejzić zvanično saopćio selekciju ovogodišnjeg Festivala koji će se održati od 6. do 14. maja. Za XVI festival bh. drame ukupno je bilo prijavljeno 17 predstava u produkciji pozorišnih kuća iz Bosne i Hercegovine, Srbije i Hrvatske. U periodu od 29. juna 2016. do 26. marta 2017. godine, selektor je pogledao gotovo sve prijavljene predstave na matičnim scenskim prostorima njihove izvedbe, uz napomenu da je nekoliko predstava odgledao na dostavljenim videosnimcima. Slogan ovogodišnjeg Festivala je: Sjeme vremena : strah i/ ili (nada). Na konferenciji za medije su prisustvovali selektor Festivala Nedžad Fejzić, dramaturg Hasan Džafić i saradnica za odnose sa javnošću Merima Handanović. Selektor Nedžad Fejzić zvanično je ovim povodom objavio da je u selekciju glavnog Takmičarskog programa ovogodišnjeg Festivala ukupno uvršteno osam predstava, napominjući da je i ove godine zadržana tradicija festivalske premijere, koja je uvrštena u Takmičarski program. Za selekciju Takmičarskog programa XVI festivala bh. drame Zenica - Sarajevo 2017. predložene su sljedeće predstave: East West Centar Sarajevo, Pozorište "Promena" Novi Sad, BNP Zenica i Novosadsko pozorište/Ujvideki Szinhaz, Haris Pašović i ansambl : Za šta biste dali svoj život?, red. Haris Pašović, Hrvatsko narodno kazalište Mostar, Narodno kazalište Mostar i BNP Zenica

Josip Mlakić : Mrtve ribe plivaju na leđima, red. Tanja Miletić-Oručević, East West Centar i Narodno pozorište Sarajevo Haris Pašović: Otkrivanje žene, red. Haris Pašović, Pozorište Prijedor Radmila Smiljanić: Bunar, red. Darko Cvijetić, Kamerni teatar 55 Sarajevo Boris Lalić: Mirna Bosna, red. Saša Peševski, Bosansko narodno pozorište Zenica Selvedin Avdić: Moja Fabrika , red. Selma Spahić, Beogradsko dramsko pozorište Željko Hubač: Berlinski zid, red. Milan Nešković, Beogradsko dramsko pozorište Stojan Srdić: Moje dete, red. Ana Đorđević, Narodno pozorište Sarajevo - festivalska premijera Ljubica Ostojić Sve se nekako preživi, osim smrti, red. D. Mustafić / praižvedba. Dramaturg Hasan Džafić je izjavio da se na ovogodišnjem Festivalu očekuje realizacija Pratećeg programa u koji će biti uvrštene predstave pobjednice dva najznačajnija i najstarija bh. pozorišna festivala, pa je tako na ovogodišnjem XVI festivalu bh. drame predviđeno izvođenje predstave „Naš razred“ u režiji Dine Mustafića, pobjednice 35. pozorišnih/kazališnih igara BiH Jajce i izvedba predstave „Drang nach Westen“ ("Prodor na Zapad) u režiji Lajle Kaikčije, koja je apsolutna pobjednica 33. regionalnih susureta pozorišta/kazališta Brčko 2016. U okviru Pratećeg programa Festivala bit će izvedene i još tri predstave domaćih autora za sarajevsku publiku, i to predstava za djecu „Bajka u bajci“ u režiji Željka Miloševića u Pozorištu mladih Sarajevo u petak, 5. maja, zatim predstava „Moja Fabrika“ u režiji Selme Spahić u Narodnom pozorištu Sarajevo u srijedu, 10. maja, te predstava „Za šta biste dali svoj život?“ u režiji Harisa Pašovića u Centru za djecu i omladinu Grbavica Novo Sarajevo u subotu, 13. aprila.



TRAGOVIMA BOSANSKOG KRALJEVSTVA

Muzej grada Zenice već desetu godinu zaredom organizuje program „Tragovima bosanskog kraljevstva“ na tvrđavi Vranduk, udaljenoj oko deset kilometara od Zenice. Riječ je o nastojanju da se posjetiocima dočara duh srednjeg vijeka u Bosni, za što nema boljeg načina od predstavljanja i konzumacije jela i igara iz tog doba. Naročitu pažnju privlače igre za mlade poput utrkivanja u vrećama, potezanja konopa, bacanja potkove i streljaštva. Poneko se `upecao` i na stup srama, a oni manje hrabri obišli su kovačnicu, objedovaonicu i skriptorij u velikoj kuli. - Ovo je pored svih ovih programa i jedno divno druženje za sve posjetioce, a kako i ne bi bilo kada se vraćamo 800 godina unazad i razumijevamo kakav je tada život bio, rekao je o programu održanom proteklog vikenda direktor muzeja Adnadin Jašarević. Kako i ne bi kada su posjetioци uživali u jelima tipičnim za bogatiju trpezu iz mračnog srednjeg vijeka, gulaš sa suhim šljivama, šumske gljive, grah ljut poput nekadašnjih ljutih Bosanaca, a sve to zaliveno medovinom. Najupečatljiviji dio programa priredili su zenički muzičari, iz ansambla Fugato, koji su odsvirali koncert srednjevjekovne muzike, na

zadovoljstvo publike koja je uživala u izvedbi uprkos malim vremenskim neprilikama. S Fugatom smo već naučili da nas oni mogu samo ugodno iznenaditi. Ovo je četvrti concert u kuhinji Ade Klobodanovića i njegovih kolega, za koji je već dogovorena produkcija muzičkog albuma. U vrandučkom druženju uživali su gosti iz cijele BiH, Bijelog Polja, Crnogorke i Crnogorci, te jedna Kineskinja.



Stari grad Vranduk je najvjerovatnije izgrađen krajem 14. stoljeća. Isprva prvo bio banski grad, a poslije kraljevski. Prvi put ga spominje u dokumentu koji je datiran 1410. godine, a u Vranduku su bosanski kraljevi primali izaslanstva i izadavali povelje. Vranduk je puni razvoj doživio u 15. stoljeću, a vojska Osmanog carstva zauzela ga je 1463. godine.



TRAVNIČKE POZORIŠNE SVEČANOSTI



Predstavom „Đavolja posla“ u uzvedbi bugojanskog Teatra FEDRA završeno je ovogodišnje izdanje kulturne manifestacije „Travničke pozorišne svečanosti“. Na završetku ovogodišnjih „Travničkih pozorišnih svečanosti“ menadžerica Pozorišta Travnik, Maja Đurić – Zahirović kazala je kako je napravljen pomak u odnosu na prošlogodišnje izdanje.

-Prošle godine imali smo teatarske kuće iz Lašvanske doline, a ove godine imali smo teatarske kuće iz cijele BiH i iz susjedne Republike Hrvatske, kazala je Đurić – Zahirović. Ljubitelji teatra ove godine imali su priliku da pogledaju deset predstava, a predstavili su se Kazalište mladih „Korifej“ iz Nove Bile - Travnik, Zavičajni muzej Travnik sa scenskim kolažem o Nobelovcu Ivi Andriću, Dramski studio Centra za kulturu Travnik, Draft Teatar Tuzla, Udruhu „Atelier Artist“ Osijek, Teatar „Total“ Visoko, DIS Teatar Banja Luka, Pozorište Travnik, TEA asocijaciju/Bosansko narodno pozorište Zenica i Teatar FEDRA Bugojno. Glumica i muzičarka Nikolina Baškarad tokom „Travničkih pozorišnih svečanosti“ vodila je Glumačku radionicu za djecu i mlade pod nazivom „Hoću-Neću“. Učesnicima „Travničkih pozorišnih svečanosti“, kao i zaslužnim pojedincima i kolektivima koji su podržali manifestaciju i medijskim kućama koje sve popratili na kraju su uručena priznanja i zahvalnice.

GRUPA KAMEN - 30 GODINA GRUPE KAJINIĆ, MARIĆ, NUMANKADIĆ

Muzej grada Zenice organizirao je u okviru programa MKM „Zeničko proljeće“ izložbu trojice značajnih bh slikara. Riječ je obilježavanju tridesetogodišnjice djelovanja grupe slikara KaMeN. Najstariji član ove neformalne grupe je Edin Numankadić, a Anto Kajinić i Mirko Marić svojim su radom obilježili neizbrisivo zeničku likovnu scenu. Kao trio djeluju u zemlji i inozemstvu postavljajući zajedničke izložbe. Napominjemo da je grupa utemeljena 1987. u Zenici, s namjerom da prezentira autentičnu i oniričnu umjetnost. Do sada su organizirane izložbe grupe u: Tuzli, Sarajevu, Bihaću, Širokom Brijegu, Skoplju (Makedonija), Novom Sadu (Srbija), Ljubljani (Slovenija), Grazu (Austrija). O radu grupe i umjetnika u njoj pisali su renomirani povjesničari umjetno-



sti: Ješa Denegri (Beograd), Zvonko Maković (Zagreb), Meliha Huseđinović (Sarajevo), Antun Karaman (Dubrovnik). O likovnoj poetici trojice slikara govorio je Strajo Krsmanović, direktor

Umjetničke galerije BiH koji je istakao da njihove tri umjetničke koncepcije čine ovu izložbu zaokruženom i rječitom.

 **ZLATARNA**
MADONNA



Zlato i srebro

Otkup zlata i srebra, izrada imena, graviranje slika i slova, popravka nakita...

Veliki izbor satova

Zamjena baterija, zamjena remenja i iglica, poliranje satova...

 **ZLATARNA**
MADONNA

Poslovnica 1
Hrvatskih branitelja bb, 72250 Vitez
030 / 711 - 030

Poslovnica 2
Poslovni centar 96, Shopping centar GMS,
72250 Vitez
030 / 712 - 577

www.madonna.ba

USKORO!
USKORO!
USKORO!
USKORO!
USKORO!




Nova poslovnica u TC FIS u Vitezu!



"BAJKA U BAJCI" NA ZATVARANJU „ZENIČKOG PROLJEĆA“

Koprodukcijaska predstava za djecu i mlade Bosanskog narodnog pozorišta Zenica, 22. međunarodne kulturne manifestacije „Zeničko proljeće“, XVI festivala bh. drame, Udruženja „Fani“ Sarajevo i 3. festivala dječije umjetnosti Sarajevo 2017., nastala po bajci Fuada Tabaka „Bajka u bajci“, u režiji Željka Miloševića, svoje prvo premijerno izvođenje imala je na zatvaranju „Zeničkog proljeća“ u srijedu. Tekst Fuada Tabaka pobjednik je književnog natječaja 2. festivala dječije umjetnosti Sarajevo 2016. Osvojivši prvu nagradu odlučeno je da ova bajka bude i uprizorena u okviru ovosezonskog repertoara Dječije, omladinske i lutkarske scene BNP Zenica i u koprodukcijaskoj saradnji sa Festivalom dječije umjetnosti Sarajevo. Na konferenciji za medije povodom premijerne izvedbe predstave „Bajka u bajci“ prisustvovala je predstavica Festivala dječije umjetnosti Sarajevo Naida Imamović, direktor Bosanskog narodnog pozorišta Zenica Hazim Begagić, reditelj Željko Milošević, autor Fuad Tabak i dio glumačkog ansambla predstave Anđela Ilić, Zlatan Školjić i Lamija Salihović. Direktor BNP-a Zenica je istakao radost zbog realizacije ovog projekta, te je naglasio sam značaj njegovanja i razvijanja bosanskohercegovačkog teksta i bh. autora, što je već davno postala



prepoznatljiva programska odrednica ove pozorišne kuće.

Predstavica Festivala dječije umjetnosti Sarajevo izrazila je veliko zadovoljstvo povodom nastupajućih premijernih izvedbi, istaknuvši da je poslije zeničke premijere 05. maja u pripremi i sarajevska premijerna izvedba u Pozorištu mladih Sarajevo. Autor teksta Fuad Tabak se zahvalio produkciji na uprizorenju njegovog teksta, te pozvao publiku da pogleda predstavu, naglasivši da je ona namijenjena prvenstveno za djecu, ali je edukativnog karaktera, te je pogodna i korisna i za ostale uzraste. Reditelj Željko Milošević je na konferenciji za medije povodom premijerne izvedbe predstave „Bajka u bajci“ izjavio kako je odlučio prihvatiti rad na ovome tekstu iz razloga što je primijetio da u ovoj bajci nema kazne

za njene likove nego se pruža šansa svakome da bude dobar i da pobijedi zlo. U predstavi igraju glumice i glumac iz ansambla BNP-a: Lana Zablocki-Džehverović, Anđela Ilić i Zlatan Školjić, te polaznici Dramskog studija Dječije, omladinske i lutkarske scene: Lamija Salihović, Ahmed Jašarević, Ismar Spahić, Ana Kulier i Sara Mekan. Scenografiju potpisuje Mensur Begičević, a kostimografiju i izradu lutaka Ena i Mensur Begičević. Izbor muzike bio je povjeren Igoru Kasapoviću, a scenski pokret i koreografija Snežani Vidović.

KAD PORAŠTEM BIT ĆU I JA...



U Gradskoj biblioteci u Travniku upriličena je promocija knjige „Kad porastem bit ću i ja...“ autorice Rabije Mameledžija. Promotori su bili Anto Zirdum i Ermin Čelenska Skomorarin. Promocija u Gradskoj biblioteci privukla je veliki broj ljubitelja pisane riječi, ali Travničana kojima je Rabija Mameledžija bila učiteljica. Rabija je svoj radni vijek provela kao prosvjetni radnik, a posljednjih godina bavi se pisanjem. Do sada je napisala dva romana: „Gašinci“ i „Vrijeme“zanosa“, dvije zbirke pjesama za djecu „Školska torba“ i „Dječiji svijet u stotinu slika“. Kako je cijeli radni vijek provela radeći sa djecom najdraže su joj knjige za djecu, a knjiga koju je pisala sa najviše ljubavi je „Starac Vlašić i njegova djeca“. Knjiga „Kad porastem bit ću i ja...“ najnovije je djelo ove autorice koje je objavljeno u izdanju izdavačke kuće „Dobra knjiga“ iz Sarajeva.

Šest mladih parova izreklo sudbonosno "DA"

Šest mladih parova odlučilo je da ove godine bude dio lijepe tradicije koju baštini Općina Travnik, a to su zajednička vjenčanja. Ovo je šesti puta da je organizovano zajedničko vjenčanje na srednjovjekovnoj tvrđavi Stari grad u okviru manifestacije „Dani Općine Travnik“. Ovaj događaj je privukao pažnju i Travničana i gostiju iz drugih krajeva BiH i inostranstva. Brojni sponzori koje je osigurala Općina Travnik uz predivni ambijent učinili su da šest mladih parova dugo pamti ovaj važan trenutak u svojim životima. Na Starom gradu sudbonosno „DA“ izrekli: Adnan Huseljić (Travnik) i Fatima Grcić (Jablanica), Sedin Keško (Travnik) i Amra Čajlaković (Zenica), Munir Dervić (Travnik) i Emina Omeragić (Novi Travnik), Lutvo Sažić (Travnik) i Dženita Arslanović (Travnik), Elvedin Čolo (Travnik) i Razija Čolo (Travnik), te Ahmed Kasumović (Travnik) i Medina Šemić (Kakanj).



Prim. dr. Mirsad Granov bio gost „Kluba neizlječivih Travničana“

I ove godine u okviru manifestacije „Dani Općine Travnik“ upriličen je „Klub neizlječivih Travničana“. Gost-domaćin u Klubu ove godine bio je prim.dr. Mirsad Granov, hirurg, direktor JU Bolnice Travnika, te Menadžer godine u BiH, a odgovarao je na pitanja Kenana Kavazovića. Prim. dr. Mirsad Granov rođen je 1947. godine u Sarajevu gdje završio

Medicinski fakultet. U travničkoj bolnici počeo je raditi 1973.godine. Stekao specijalizacije iz opće i dječije hirurgije, te potom abdominalne hirurgije. Od 1991.godine je na čelu Bolnice Travnik, ali sve ove godine radio je i posao hirurga. - U mom prvom ugovoru stoji da sam direktor i hirurg. To je bio moj uslov da prihvatim poziciju direktora i

tako je i danas, kazao je dr. Granov. Nakon agresije započeo je obnovu odjela u ovoj zdravstvenoj ustanovi i uvođenje laparoskopske hirurgije po čemu je ova bolnica nadaleko poznata jer je izvedeno preko 11.000 operativnih zahvata ovom metodom.

- Danas pored hirurga i naši urolozii, ginekolozi i ortopedi rutinski izvode zahvate ovom metodom, kazao je prim. dr. Granov. Prim. dr. Mirsad Granov počasni je građanin Ključa, a načelnik općine Travnik Admir Hadžiemrić uručio mu je plaketu „Neizlječivog Travničanina“. Specijalni gost bio je poznati bosanskohercegovački glumac Emir Hadžiehafizbegović, prijatelj dr. Granova, a za ugodnu atmosferu pobrinuli su se članovi travničkog benda Mustra Orchestra. Proteklih godina gosti u „Klubu neizlječivih Travničana“ bili su naši sugrađani: Josip Pejaković, Besim Spahić, Miroslav Ćiro Blažević i Zlatko Hodnik, Milan Filipović.



PRVJENAC BRANKA SERDAROVA U PALETI

Vrijeme kameleona, naziv je programa i prve stihozbirke Branka Serdara iz Jajca predstavljene u klubu „Plava paleta“. Kako je u uvodnom slovu domaćin i književnik Emir Sokolović rekao da je ovo drugo pojavljivanje pjesnika iz Jajca u Paleti i to gotovo tačno nakon godinu dana s tom razlikom da se ovoga puta autor predstavlja svojom prvom zbirkom poezije. Zbirka poezije „Vrijeme kameleona“ je satkana iz pet ciklusa u narastajućoj gradaciji čiji elementi se pretakaju iz jedne tematike ka drugoj uvijek narednoj cjelini prepuštajući intenzitet. U pitanju je poezija vezanih stiha i gotovo autobiografski kada se motivski sagledava. Odnos autorske mjere i svega o čemu je autor vodio računa ukazuje na štedru analizu koja je, nužno, zahtijevala i likovno obogaćivanje kako bi pred sobom imali pažnje vrijednu zbirku poezije

kao što je „Vrijeme kameleona“ Branka Serdara. Dominantna tema, podcrtao je književnik Sokolović, u pomenutom naslovu je ljubav spram ženi. Ali koja je vođena u određenim ciklusima kroz toponime mjesta gdje se autor nalazio da bi se, preko nostalgije i domoljubivih tema, izgubila u angažovanoj poeziji u ciklusu „Pod našim suncem“ kojim Branko Serdar zasvodnjuje svoju prvu stihozbirku i ciklusu unutar kojeg se nalazi naslovna pjesma „Vrijeme kameleona“ koja oslikava vrijeme – ovdje i sada – bolje od bilo kog ogleдалa. Gost se zahvalio publici i izrazio nadanje da će biti dostojan njihovog izdvojenog vremena i pažnje i kako je uvijek izuzetno zadovoljstvo čitati pred tako senzibilnom publikom kakvu ima klub „Plava paleta“. Podcrtao je da je zbirka „Vrijeme kameleona“ nastajala duži period i da ju je kompozicijski ure-



dio na način da prolazeći iz pjesme u pjesmu imamo jednu „priču“ o njegovom životu, putovanjima, ljubavima... Obzirom na vezani stih u poeziji koja je zastupljena u knjizi „Vrijeme kameleona“ rekao je da je posljedica njegove lektire, a nadasve činjenice da je dio njegove poezije uglazbljivan.

*Svim građanima
katoličke / pravoslavne vjeroispovijesti
želimo sretan Uskrs / Vaskrs!*

Općina Travnik



Načelnik Općine Travnik
Admir Hadžiemrić

*Svim građanima katoličke i pravoslavne
vjeroispovijesti želimo srećan Uskrs / Vaskrs!*

"SIGMA-SK" d.o.o. Zenica

Kočevska čikma br.6, 72000 Zenica | Bosna i Hercegovina | Tel.: 061/176-259; 063/333-095



PRIJEM U SKUPŠTINI ZDK

Predsjedavajuća Skupštine ZDK Draženka Subašić, ugostila je organizatore 4. međunarodnog rukometnog turnira „RUKOMET U SRCU“ Zavidovići – Žepče-Maglaj 2017. Predstavnici organizatora, Ismir Brkić, Darko Andrijević i Adnan Mešić su ovom prilikom upoznali predsjedavajuću sa organizacijom turnira. Turnir će biti organizovan za omladinske uzraste i to kadete i mlade kadete, a sve utakmice se igraju u općinama Zavidovići, Žepče i Maglaj od 21. do 23. aprila. Predsjedavajuća je izrazila podršku turniru sa namjerom da on preraste u tradicionalni koji će se održavati redovno svake godine. Na turniru će se takmičiti 27 ekipa iz šest država (Mađarska, Srbija, Hrvatska, Makedonija, Slovenija, Bosna i Hercegovina). Gosti su se zahvalili na prijemu i izraženoj podršci za organizaciju turnira.

NOVI USPJEŠI AMARA BORICA

Početkom mjeseca u Sarajevu na Olimpijskom bazenu "Otoka" održan je XVI međunarodni plivački miting "Sarajevu s ljubavlju 2017" na kome su iz pet država uzeli učesća 26 klubova sa 382 takmičara. Plivački klub "Zenica - Željezara" predstavljao je Amar Borić koji je osvojio osam medalja. U svojoj kategoriji-juniori osvojio je tri zlatne medalje (100 leđno, 200 leđno i 200 mješovito) i jednu srebrnu medalju (50 leđno), te u seniorskoj kategoriji dvije srebrne medalje (100 leđno i 200 leđno) i dvije bronzane medalje (50 leđno i 200 mješovito).



ČELIK JUNIOR NA EUROKUPU

Nakon što su izuzetno dobro odigrali sve dosadašnje utakmice Omladinske lige BiH i time pokazali da su zasluženo u vrhu bosanskohercegovačkog rukometa, kadeti škole rukometa "Čelik Junior" dobili su pozivnicu za učešće na najjačem europskom kupu za mlade. Riječ je o elitnom rukometnom takmičenju za kadete, a koje se već 32 godine održava u Luksemburgu. Omladinski kup koji predstavlja pravi "sudar" prvaka, zahvaljujući kvalitetnom i predanom radu, imat će i predstavnika Bosne i Hercegovine. Naime, u organizaciji krovne kuće rukometa u Luksemburgu, a u saradnji sa Europskom krovnom kućom i ovoga puta biće organiziran, sada već 31. po redu Omladinski kup Europe. Na takmičenju će učestvovati deset ekipa iz devet različitih zemalja, a redom to su prvaci Austrije, Estonije, Francuske, Luksemburga, Belgije, Rumunije, Švicarske, viceprvak Francuske, Srbije, te trenutno prvoplasirana ekipe Bosne i Hercegovine, odnosno škola rukometa "Čelik Junior". Kadeti popularne zeničke

škole rukometa "Čelik Junior" neće imati nimalo lagan zadatak. Naime, u vrlo jakoj grupi gdje ih očekuju Tallas iz Estonije, Fivers Wien iz Austrije, Trembley-en-France iz Francuske, te HB Dideleng iz Luksemburga, potrebno je izboriti jedno od prva dva mjesta i tako se plasirati u završnicu kupa. Mladi Zeničani će u Luksemburgu boraviti pet dana, od 13. do 17. aprila, a prva utakmice ih očekuje 15. aprila i to protiv starih rivala, ekipe FIVERS Wien, prvaka Austrije. Istog dana, u večernjem terminu, odigrat će i utakmice protiv Trembley-en-France, prvaka Francuske, te HC Tallas, prvaka Estonije. I pored jako teškog rasporeda grupne faze, škola rukometa "Čelik Junior" vjeruje u ostvarenje dobrog rezultata i plasman u završnicu kupa. S tim u vezi, posljednja dva mjeseca, uz nacionalno takmičenje u Omladinskoj ligi BiH, teku i pripreme za ovo važno međunarodno takmičenje, na kojem će Zeničani predstaviti našu zemlju na najbolji mogući način.

JURIĆ I HODŽIĆ U REPREZENTACIJI

Na adresu škole rukometa "Čelik Junior" iz Zenice stigli su pozivi na okupljanje rukometne reprezentacije BiH, za dva člana. Riječ je o standardnim reprezentativcima naše zemlje, Harunu Hodžiću (kadetski reprezentativac) i Danijelu Juriću (juniorski reprezentativac). Pozivi na okupljanje reprezentacija dovoljno govore o kvalitetu rada u zeničkoj školi rukometa "Čelik Junior". Harun Hodžić (2000), dugogodišnji reprezentativac, dobio je poziv na okupljanje u Brčkom, a odakle će se reprezentacija BiH uputiti ka Grčkoj, gdje ih očekuje jak pripremni turnir u



konkurenciji šest reprezentacija, te 20 elitnih rukometnih klubova Europe. Danijel Jurić (1998), također dugogodišnji član juniorske reprezentacije BiH, dobio je poziv za okupljanje u Bugojnu, gdje će biti odigran jak turnir reprezentacija.



BIH PORAŽENA OD HOLANDIJE

Davis cup reprezentacija Bosne i Hercegovine poražena je od Holandije u okviru drugog kola Prve grupe Euroafričke zone. Nakon što je u petak Robin Haase savladao Mirzu Bašića, Damir Džumhur je bio bolji od Thiemo De Bakker, te je nakon prvog dana bilo 1:1. U subotu je odigran dubl meč u kojem je naša kombinacija Brkić-Bašić poražena od Holandske kombinacije Haase-Rojer. Nedjeljni program bio je i najzbudljiviji. Na teren su izašli prvorangirani teniseri obje selekcije, Damir Džumhur i Robin Haase. Nakon velike borbe u pet setova slavio je Holandananin i tako donio treći

odlučujući bod svojoj reprezentaciji. U dogovoru obje selekcije i supervizora, peti duel, Mirza Bašić – Thiemo De Bakker nije ni odigran. Naši teniseri su već ranije osigurali opstanak u prvoj grupi i naredne godine ponovo će se boriti za ulazak u svjetsku grupu. Iako nam je u gostima bila 25 reprezentacija ostaje žal za propuštenom prilikom da se jesenas susretnemo sa još jednom velikom reprezentacijom u borbi za svjetsku grupu. Ipak, kada se sve sumira moramo biti zadovoljni ovim rezultatom i čestitati našim teniserima na velikoj borbi u nacionalnom dresu.

LIGA ZA OPSTANAK

Nogometaši Čelika nisu uspjeli upisati pobjedu protiv Metalleghea odigraši 0:0, te su na taj način ostali na zaostatku od pet bodova u odnosu na poziciju koja garantuje igranje Premijer lige i naredne sezone. Crveno-crni su odigrali poprilično loše u Banja Luci, te se sa takvom igrom nije mogla ni očekivati pobjeda. Na ovaj način Čelik nije iskoristio kikseve direktnih konkurenata u ovom kolu. Vitez je na

domaćem terenu odigrao 1:1 sa Širokim Brijegom, a Mladost je na domaćem terenu također, remizirala sa Olympicom 2:2. Široki Brijeg je prvi na tabeli lige za opstanak sa 35 bodova, slijede Mladost sa 28, Vitez sa 25, Metalleghe sa 23, Čelik sa 18, te posljednji Olympic sa 15 osvojenih bodova. U narednom kolu Mladost je domaćin Vitezu, dok će Čelik u goste Olympicu.

RUKOMETNA PL

Rukometaši Čelika proživljavaju najteže trenutke u posljednjih nekoliko godina. Pored toga što se nalaze na posljednjem mjestu na tabeli i ukoliko ostane na snazi odluka da ispada pet timova, već odavno su sigurni putnici u drugu ligu, problemima Čelika ne nazire se kraj. Ovom nekada uzornom sportskom kolektivu leđa su okrenuli gotovo svi. U posljednjem kolu u Zenici je slavila i predposljednja ekipa na tabeli, Sloga iz Doboja sa 33:24. Pored Čelika u teškoj situaciji u borbi za opstanak nalaze se i Krivaja i Maglaj. Krivaja je trenutno

deveta, a dvije pozicije iznad njih je Maglaj. Podsjetimo u ovoj sezoni bi društvo najboljih trebalo napustiti pet ekipa, među kojima se nalaze sva tri tima iz Ze-do kantona.



ZIMSKI KUP BIH U BACAČKIM DISCIPLINAMA



Na atletskom borilištima stadiona "Koševo" u Sarajevu nedavno je održan zimski kup BiH u bacačkim disciplinama. Na pomenutom takmičenju veoma dobar nastup su imali takmičari Atletskog kluba "Zenica" Prva mjesta osvojili su: Mediha Salkić - bacanje kugle, sa 13.59 m (juniorski rekord BiH) i bacanje diska – 44.78 m, Melisa Zukan - bacanje kladiva - 44.21 m, Ernad Kotorić - bacanje koplja - 52.71 m, druga mjesta osvojili su: Emir Čamdžić - bacanje kugle - 14.97 m, Ervin Posavljak - bacanje kladiva - 49.98 m i Amra Ajanović - bacanje kladiva - 34.79 m. Isti dan, na istom stadionu održan je i Kontrolni miting u trčanjima, a kojom prilikom je isprobana najnovija elektronika za mjerenje brzine sa vjetromjerom vlasništvo AS BiH. I na ovom takmičenju atletičari AK Zenica ostvarili su veoma dobre rezultate uz napomenu da je ovaj miting bio seniorskog karaktera. Za Zenicu su osim Avdića trčali mlađi juniori te je time uspjeh značajniji. Prvo mjesto na 400 m zauzeo je pomenuti Semir Avdić – 50.23, drugo mjesto na 400 m Ajna Sivac – 1:02.53, drugo mjesto na 300 m Ajla Tuka – 47.46, treće mjesto na 400 m Eldar Dautović – 52.78, peto mjesto na 400 m Anes Šabić – 53.24. Treneri Mehmed Skender (bacanja) i Aziz Kevelj (trčanja) su veoma zadovoljni postignutim rezultatima svojih takmičara.



SENIORKE I JUNIORKE ČELIKA NEZAUSTAVLJIVE

Košarkašice Čelika upisale su još jednu uvjerljivu pobjedu u okviru Prvenstva Bosne i Hercegovine. Izabranice Slobodana Kecmana savladale su Mladi Krajišnik iz Banja Luke 78:53. Prvi period je u potpunosti pripao domaćim košarkašicama sa 26:11. Drugi period su gošće odigrale puno bolje, pa je domaća ekipa slavila minimalnom prednošću 15:13. Treći period ekipa iz Banja Luke igra sjajno i rješava ga u svoju korist 17:14. Ipak, stvari se vraćaju na svoje u četvrtom periodu koji domaće igračice rješavaju sa 23:12, za konačnih 78:53. Najefikasnije u domaćem timu bile su Aldijana Iriškić sa 23, Sara Heljić je dodala 17, Anida Čorović 16, a Nedžla Kovačević 14 poena. Kod gošći bolje od ostalih bile su Jovana Milaković sa 14, te Nikolina Zubac sa 10 poena. Uz 16 pobjeda i dva poraza u dosadašnjem dijelu prvenstva Čelik se nalazi na trećem mjestu sa istim omjerom kao i drugoplasirana ekipa Banovića. Juniorski tim Čelika upisao je i treću pobjedu u okviru Lige mladih. Nakon dva uvjerljiva gostujuća trijumfa, Čelik je bio siguran i na domaćem terenu protiv Play off-a sa 62:48. Heljić sa 21, te Kahrčić sa 18 predvodile su Čelik, dok su Azinović i Starčević sa po 19 poena bile najefikasnije u Play off-u.

VLAŠIĆ DOMAĆIN RUKOMETNIM VETERANIMA

Međunarodni rukometni turnir veteranki i veterana „Srce Bosne 2017“ u organizaciji muškog rukometnog kluba veterana „Borac“ Travnik, održati će se po treći put na Vlašiću od 20. do 23. aprila 2017. godine. Prijavljena je 41 ekipa sa područja bivše Jugoslavije, od toga 20 ženskih veteranskih ekipa i 21 muška veteranska ekipa. Najviše ekipa dolazi iz Republike Hrvatske 20, iz Slovenije i BiH na Vlašić dolazi po osam ekipa, četiri iz crne Gore, te jedna ekipa iz Srbije. Turnir na Vlašiću je najveći rukometni turnir na Balkanu u kategoriji veteranki i veterana.



Na Vlašiću će očekuje između 400 i 500 rukometašica i rukometaša, a turnir će se odvijati sportskoj dvorani Hotela „Sunce“ na Vlašiću.



BIH BOLJA OD SLOVENIJE

Ragbi reprezentacija Bosne i Hercegovine upisala je svoju drugu pobjedu u okviru Evropskog prvenstva, Konferencija 2 jug – sezona 2016/17. Nakon poraza u Beču od Austrije sa rezultatom 22:29 i pobjede nad Turskom službenim rezultatom 25:0, naša ragbi reprezentacija je na

gostovanju u Ljubljani na stadionu "Športni park-Siška" bila bolja od domaćina Slovenije rezultatom 22:15. Rezultat na poluvremenu bio je 13:12 u korist našeg tima. Pobjedom nad Slovenijom naša reprezentacija se nalazi na drugom mjestu sa bodom zaostatka za prvoplasiranom Slovenijom. Posljednju utakmicu u okviru Evropskog prvenstva konferencije 2 jug naša reprezentacija odigrati će u Zenici sa Srbijom 22. aprila sa početkom u 15 sati. Isti dan u Beču sa početkom u 17 sati odigraće se utakmica između Austrije i Slovenije. Tabela Konferencije 2 jug biće kompletirana nakon posljednje utakmice u okviru Konferencije 2 jug, biće odigrana u Beogradu 29. aprila između Srbije i Austrije. Preostale utakmice: Austrija - Slovenija 22.04.2017. Bosna i Hercegovina - Srbija 22.04.2017. Srbija - Austrija 29.04.2017.



TEKSAS ODJEĆA

trendovi koje morate isprobati ovog proljeća

Teksas odjeća nikad nije izašla iz mode i uvijek se preporučuje kao must have odjeća za sve sezone, a naročito za proljetnu. Danas vam predstavljamo nekoliko trendova koje morate isprobati u proljetnoj sezoni: od dekonstruisanih rubova do kompletnog stajlinga u teksasu.

Saznajte koji "denim" trendovi će biti apsolutni hit ovog proljeća!

1 DEKONSTRUISANI RUBOVI

Pohabani, nejednaki i isječeni rubovi nogavica će dati tačnu količinu edgy note i istovremeno će vaše omiljene cipele ili sandale staviti u prvi plan.

2 FARMERKE NA ŠNJIRANJE

Farmerke koje imaju bogat detalj u vidu alki i traka koje prolaze kroz njih su nekada davno bile popularne, a sada



se ponovo vraćaju na vrh trendova. Ali, ovog puta ne dolaze sa previše niskim strukom.

3 KLASIČNE, RAVNE FARMERKE

Vintage farmerke ravnog kroja će definitivno osvežiti vaš stajling.

cm
COSMETIC MARKET

Povodom **DANA PLANETE ZEMLJE**,
u subotu, 22.4.2017.
svim kupcima za račune 20 KM i više,
darujemo **CM CEKER!**



*akcija traje 22.4.2017 ili do isteka zaliha

Svim vjernicima katoličke i pravoslavne
vjeroispovijesti sretan **Uskrs/Vaskrs**



GASTRO KUTAK

Kolač sa višnjama

1 Kora:

- 4 jaja
- 100 gr šećera
- 250 gr margarina za kolače
- 150 gr Klasovog brašna
- 1 prašak za pecivo
- 2 kašike kakaa

Priprema:

- Odvojiti bjelanca od žumanca, a zatim bjelanca čvrsto umutiti. Žumanca sa ostalim sastojcima umutiti i u tu smjesu dodati izmućena bjelanca te izmješati kašikom. Peći na 200 °C oko 20-30 minuta.

2 Fil:

- 4 jaja
- 100 gr šećera
- 250 gr margarina za kolače
- 150 gr Klasovog brašna
- 1 prašak za pecivo
- 2 kašike kakaa

Priprema:

- Skuhati 2 pudinga u pola litra mlijeka, a zatim dodati iscijeđene višnje iz kompota.



Sedžida Žigić, Zenica

3 Kora:

- 250 ml vrhnja za kuhanje
- 2 čokolade za kuhanje

Priprema:

- Na laganoj vatri otopiti čokolade u vrhnju. Kada kora bude pečena na nju staviti fil, a zatim čokoladnu glazuru

Pita od piletine i kuhanog krompira

Sastojci:

- ½ kg piletine
- 300 gr krompira
- 1 Klasove jufke
- 1 glavica crvenog luka
- 2 kašike maslaca
- Začini

Priprema:

- Skuhati piletinu i izdvojiti meso od kostiju. Krompir skuhati i izgnječiti. Luk sitno isjeckati i propržiti na maslacu. Sve sastaviti i dodati začine i izmješati, zatim uzeti po dva lista jufke i na kraju poredati smjesu i zaviti. Ponavljati postupak dok se smesa ne potroši. Redati u tepsiju i peći. Kada pita bude pečena namazati je maslacem i isjeći.



Amna Halilović, Zenica

Šaljite nam vaše recepte sa Klas proizvodima na adresu recepti@superinfo.ba Najsretnije očekuje poklon paket Klas proizvoda.





UREĐENJE VRTA

Sunce je konačno izašlo i postaje sve toplije i toplije. Došlo nam je proljeće i vrijeme je za nove ideje za uređenje vrta.


Ovakva mjesta na otvorenom priuštiti će vam savršeno opuštanje. Vašem vrtu posvetite posebnu pažnju bez obzira na njegovu veličinu.



Popločeni puteljci, fontane, šareno cvijeće, drveće... zasadite raznolike biljke, dodajte po koji kamen kao dodatni ukras, sve to okruženo savršeno uređenim travnjakom i živicom – mogućnosti su razne.



Pravo bilje i dodaci mogu stvoriti nevjerojatnu vrtanu atmosferu, idealnu za odmor duše i tijela – svi ti elementi, ovisno o financijskim mogućnostima i prostoru, mogu stvoriti predivan vrt u kojem ćete s guštom provoditi vrijeme. Čim zatopli možete se upustiti u svoju vrtanu avanturu – sami ili uz pomoć profesionalca koji će vam u tome pomoći. U našoj galeriji pogledajte odlične ideje za uređenje vrta, pronađite inspiraciju i stvorite vrt o kakvom ste oduvijek sanjali.



BUBA

SUPERMARKET · MARKETI · MESNICE

PC 96 Vitez; Željeznička stanica Vitez, Stjepana Radića Vitez; Novi Travnik; Busovača, Kiseljak; Zenica; Žepče
Centrala tel.: 030/714-209

www.buba-commerce.com

 [buba.commerce](https://www.facebook.com/buba.commerce)

MESO DOMAĆIH
FARMI
JURČEVIĆ
DOMAĆIN ODLIČNOG OKUSA

Sretne
Uskrsne i Vaskršnje
blagdane želi Vam
BUBA COMMERCE!

Obogatite svoj stol za Uskrs
specijalnom ponudom
iz Jurčević mesnica
"Uskrsna šunka",
provjerite zašto kažemo
da smo mi
"Domaćin odličnog okusa"!



Novi Golf.



Mi budućnost pretvaramo u stvarnost.

AUTO KUĆA BUBA Vitez, PC 96, Tel. 030 709 021



Volkswagen